


HEPELEU, KAPETULU WAMUCHIWANA

 . . .kutachikiza chikuma hali Mwata wetu wakukisula. Kaha eyi ikiko—punga yetu ya kukunguluka hano, ili punga kana, kaha, jino, kaha kulombelela vana Kalunga vakakuviza. Kaha chimene chino etu twapwanga na—na kukisula kufuma kuli Visoneka.

² Etu tuli nakweseka kumbata, lwola lwosena kutanga, chihanda cha . . .Nguli nakunangula mu Mukanda wa Hepelewu, kupwa, hamilungu yayivulu jino. Kaha jino, kachi Mwata netava, etu natuya nakutwalilaho ha Chitatu naufuku, kahajino ha Chalumingo na chimene na Chalumingo naufuku, ha, kachi nge Nguli hano muli elu lwola. Keshi kuhizumukako, oloze chili kuhizumuka, kuliwana maufuku etu. Kaha shikaho etu tuli vene, vakuwahilila vene kupwa nalwola elu lwakuliwana na masepa vamwaza kujinguluka mujimbongi, kaha nakujinguluka mu Falls Cities hano. Kaha kachi—kachi etu nachisoloka kupwa na chuma chimwe mokomoko chumachimwe, chinahase kupwa nge Mwata nahase kututwaminyina etu, haze vene, ku . . .pamo etu tunahase kupwa na maufuku amwe, muze mwakuhemena mokomoko chumachimwe, hanyima chindende, kachi Mwata mwahasa kutetekela jila, kuchihela kuze etu tunahase kupwa hamwe na vathu.

Kaha etu twamwenenga vathu nge omu chapwilenga nakwiza, kukinduluka kunyima, kuhanjika, “Echi kachapwile kapetako ku—kwiza nakwingila.” Mukikovene, eyi mbalaka yili vene yakuzeya. Yili kaha yakutwama kaha, vathu vavandende, kaha etu tuli vakuwahilila nge ove uli wakulizanga kulovoka na kutwama mumilima, kwivwa Lizu lya Mwata. Kaha etu tuli nakulomba nge Kalunga mwaya chakukupuka, kukukisula ove na kukukafwa ove.

³ Kaha jino, ufuku uno, etu twatondo, etu tuli na kuputuka kumaku 4 . . .Vangahi vali hano chimene chino? Echa tutale mavoko enu. Mamalelo, echi chinapu chamwaza, chindende enu vosena. Kaha etu tuli, kuputukila ha, kapetulu 4 wa Mukanda wa Hepelewu. Mamalelo, Mukanda kana wamwaza! Ove uli nakuwahilila Echi? [Chikungulwilo ngwacho, “Amena.”—Muka.] Kaha echi chinapu kupezelesa Chisoneka ha Chisoneka.

⁴ Kaha Paulu, shimbu kanda ikiye apwenga chinjiho na kutachikiza chenyi, ikiye chatete ayile ku Arabia nakuwana nge, na Lizu kachi wapwile Muchano. Ngwazanga ngachize. Kaha echi chinapu kunangula cha chimene, etu tunawane, mu

kunangula chachimene, nge Kulishitu apwile youmwe zau, lelo, na hayamyaka. Kaha Paulu awanyine ize Panda ya mulangi wa Kakahya ize ya twaminyinenga na vana va Isalele, aliwanyine nenyi mujila yaku Ndamashiku. Etu twawane ngana nge Panda ya mulangi wa Kakahya, ize yatwaminyine vana va Isalele kuvatwala mupambo, kulifuchi lya lushiko, aliwanyine na Paulu mujila yakuya ku Ndamashiku, kaha Yavene amusanyikile, “Yesu.”

⁵ Kahajino etu twawane Ukalunga wamwenemwene wa Yesu Kulishitu. Ou Mukanda wosena hano unapu kusoloka cha Yesu Kulishitu. Kaha Ikiye ejile, etu tunawane nge, “Mulwola lwakunyima na mujila jakuhandunuka handunuka, Kalunga ahanjikile kuli vakakuluka kuhichila muli tupolofweto; mu makumbi akumakumishilo kuhichila muli Mwa Nenyi, Kulishitu Yesu, Ikiye nasolola Lyavene.” Kaha Mukanda kufuma mu Kuputuka naku Kusoloka keshi chumachimweko shina chumachimwe kaha, chakutwalilaho, kusoloka cha Mwata Yesu.

⁶ Kaha etu tunawane nge Ikiye apwile Umwe uze apwilenga muchiputa chakukwata. Etu tunawane nge Ikiye apwile Umwe uze apwile na Kalunga shimbu kanda chikuku cha kaye. Kaha etu tunawane nge, mu Tesitamende Yayihya, Ikiye apwilenga Kalunga na Muthu, hamwe. Kaha jino omwo Ikiye asele mu Tesitamende Yayihya, nakuya Mwilu, Ikiye ambile ngwenyi, “Ngwafuma kuli Kalunga, kaha Nangukakinduluka kuli Kalunga.”

⁷ Kaha jino omwo Paulu aliwanyine na Ikiye, Ikiye apwilenga muchifwanyisa chochimwe chize Ikiye apwilenga omwo Ikiye amutwaminyinyine Isalele, Panda ya mulangi wa Kakahya. Kaha Paulu amutalile Ikiye mumeso, hakupwa wakuzeneka kwalumuka, kaha chamulingishile kupwa na liso lya ukalu mumakumbi eyi osena. Ikiye ayile kapuputa, kaha mumakumbi amwe ikiye kahashile kumona chuma chimweko. Ikiye atelele kumutwaminyina mujila vavuluka ngwa Straight.

⁸ Kaha Kalunga apwile na kapolofweto kuze Ikiye ahanjikile, ha lijina lya Ananias, uze ejilemo, ha chimweno, kaha kuhaka mavoko enyi hali Paulu, kaha ambile ngwenyi, “Ndumbu walunga Saulu, kutambula meso ove.”

⁹ Kaha etu tunawane, jino, nge Shipilitu Wajila youmwe, nge chochimwe Mwata Yesu, ejile kuli Petulu muchifwanyisa cha Kumunyika na kumuhana kumufumisa mukamenga.

¹⁰ Kaha etu tunawane nge Mwata youmwe Yesu, muli awa makumbi, hanga ali mu Panda ya mulangi wa Kakahya (Kumunyika) echi chili nakutwaminyina vathu Jenyi (Liuka Lyenyi), kusolola vyuma vyovimwe, kuhana vimweno; kwiza na kuhaka mavoko hali vathu, ha chimweno. Ou Mwata Yesu, Uze aliwanyine na Chalumingo chamakumishilo chimene ha zuvo, kaha ambile ngwenyi kuli muthu ali nakwiza, nakulava,

wangengu. Ikiye apwile ka Greek. Pwevo lyenyi apwile vupu lyapwevo, kaha apwile nakulila kukamenga.

¹¹ Vamwe vavombulwile, kaha vanatachikiza nge chili nakusoloka. Ikiye apwile chitonji, na—na mishisa mumutwe wenyi yapwile yakufwa. Ikiye kahashile numba kutetekele vimbundo mokomoko mahinji. Kaha ikiye kapuputa. Kaha kulingisa viwuva vivali: Ngwapwanga na pwevo wakalemesa kulombela vakakuviza, chatete, jino kwalumuka kunyima kaha apwile na Ndumbu walunga Thom ejile nakulomba. Kaha etu, twatwamine hano, kutala omu chili na kutungwiwa. Kaha jino Ngwayile kuze na kulombelela vakakuviza, kaha ngwakindulukile. Kaha ikiye ejile, kutesekeka na chimweno, kaha angukwachile kulivoko na kuputuka kulila, kaha ambile ngwenyi Ndotolo Ackerman navatumu hano. Ndotolo Ackerman apwa sepa lyami wahamuchima, Katolika. Kanyike kenyi walunga apwa kapilishitu haze ha monastery ha—ha Saint Meinrad, kaha muze Indiana. Kaha ou lunga afuma mu Jasper. Kaha Mwata amuhindwile ikiye, kumufumisa muchitwamo. Ikiye ahindikule na kutambuka. Ikiye nahase kumona nge kala muthu weka. Kaha kutambuka nakulovoka muzuvo, wakulikangula kaha walambwe. Vyosena ha chimweno!

¹² “Ndumbu walunga Saulu, Mwata Yesu uze alisololanga kuli ove mujila, nangutuma yami nge Nanguhake mavoko ami hali ove, mangana ove utambule kumona chove kaha pwako wakuzala na Shipilitu Wajila.” Chamwaza.

¹³ “Kahajino etu tunawane, kumona nge etu tuli na ulwilo waunene, etu katwatela. . . Etu katweshi kuhasa kuchina kuzangamisa na ndombo ya Kalunga, kachi etu natukana ulwilo waunene ngana.”

¹⁴ Jino etu natuya nakuputuka kutanga, ufukuuno, kufuma, kaha kuputuka kapetulu 4 wa Mukanda wa Hepelewu. Kachi kalamuthu mwatonda kukavangiza, etu tukwechi Jimbimbiliya hano. Kachi vakiko vanatondo imwe, mwomwoika, umwe hali vaze vakakwimana kuvikolo mwayineha kuli enu, kachi ove nawimika livoko lyove, eji—eji Jimbimbiliya. Kachi umwe wavaze vandumbwetu hano navaya. . . Kuli Jimbimbiliya jivali jatwame haze, Ngwafwelela.

¹⁵ Kaha jino etu natuya nakuzangula, mwomwo etu natupwa na kulikata hanyima chindende. Kaha kuze etu tunalingi ufuku uno, Chitatu naufuku etu natuputuka cheka. Jino, Ngwafwelela, chimene chino mukutanga chetu, etu twaputukile vasi 15.

¹⁶ Muthuumwe, pamo kangwijiva yamiko hakuwala mangilashi, akutangisa nawo. Nguli nakukulilako. Kaha Ngunahase kutanga, oloze Kangweshi kuhasa kuzangulako, chikumanyi omwo Ngwapwanga na kutanga hano, jisona jamwaza.

¹⁷ Kaha Ngwayile nakupimisa meso ami, mangana ngumone kachi Ngwapwile nakujimbalisa kumona chami. Meso ami apwile likumi-likumi. Ikiye ambile ngwenyi, “Oloze ove unahambakana myaka fwote, mwana walunga.” Ikiye apwilenga nachuma chimwe ngwatelele kutanga, ambile ngwenyi, “Putuka kutanga echi.” Ngwatangile. Kaha Ngwatwalileho kupandamako, kupwa chindende hakamwihi. Kaha ngwahetele nge *ngana*, Ngwemanyine. Jino ikiye afumishile ize likumilikumi, Ngwahashile kutanga vyosena. Oloze ikiye ambile ngwenyi, “Chuma muka echi, omwo enu namuhambakana myaka fwote, vikenyikenyi vyenu navishikumuka.”

¹⁸ Jino, Ngunahase kulifwenya hameso ami na kutanga hakamwihi *ngachize* hakamwihi kuli yami, oloze watela kulifwenya kaha. Shikaho, ikiye angutungilile mangilashi. Ngunahase kumona, kalakwosena, omwo nawapwa hakamwihi chikuma kuli yami. Jino, omwo echi nachifuma kuli yami, kuhasa kumona na vyuma vyosena kanawa nduma. Oloze Ngwawatangile, kutanga kuzachisa mangilashi.

¹⁹ Jino, chimene chino, etu twapwanga na chihanda chamakumishilo cha kapetulu 3 wa Hepelewu. Kaha, mamalelo, luhto lwamumitwe etu twawananga! Jino ivwililenu, Ngwatondo kutanga cheka, mangana etu tupwenga na chikuku jino. Keshi kuhanjika hali echiko, oloze kuhitaho chindende kaha.

Shimbu vachili nakwamba ngwavo, Lelo kachi nge enu...namwivwa lize lyenyi, kanda mukaluhwisa michima yenu nge haze vangusowangijileko.

Mwomwo veyaze, vamwe, vakiko vevwile Lizu, vaze vamusowangijile omu vevwile lize Lizu, vamusowangijile: oloze keshi vosena vaze valovokele ku Ejipitu na Mose ko.

²⁰ Jino, muli chize, chimene chino, etu tunawane nge Ikiye ambile ngwenyi, “Kanda kukaluwisa muchima woveko jino, ngemuze mumakumbi akungusowangizako.” Muze vakiko vasowangijile Kalunga nakupihilila, mwomwo Ikiye avahanyine Mose, kapolofweto Kenyi, na chinjikizo chize chapwilenga na Mose. Vangahi, valizavu lya lelo ufukuuno, vatachikiza echi chinjikizo chapwile chika? Panda ya mulangi wa Kakahya, Hepelewu 13.

²¹ Jino, etu katwatachikiza nge chikungulwilo chamwene chize chinjikizo mokomoko chiku. Oloze Mose achimwene Chize, mwomwo Mose chatete aliwanyine na Ikiye muchiputa chakukwata kakahya. Ikiye apwile Kakahya. Kaha vana va Isalele va vononokele Mose, na kuseza Ejipitu. Kaha haze vene vakiko vejile nakulovoka mu Ejipitu, Kalunga, etu twawane, kuvatwaminyina vakiko kwingila mumuheto. Kulihi, maswalale ja Fwalo kunyima okwo, uze Kalungalwiji Uchila kusali

ikwavo, kaha Kalunga avahakile vakiko mucheseke; kaha vakiko vapwile na woma. Kaha chasowangijile Kalunga. Ikiye ambile ngwenyi, “Mwomwoika uli nakulilila kuli Yami?” Ambile ngwenyi, “Hanjika kaha na kuya kulutwe.” Ngwazanga chize.

²² Jino, vakiko vapwilenga nakukavangiza Mose, nge Mose akavangijilenga Panda yakakahya na Livwe, kaha vakiko vapwilenga mujila yavo yakuya kulifuchi lya lushiko. Chifwanyisa chamwaza cha Liuka, ufukuuno, mujila yetu yakuya Lifuchi lya lushiko, vakutwaminyina na Shipilitu yoyimwe, vinjikizo vyovimwe na vikomwesa nge muze Kalunga ahanjikile.

²³ Jino talisenu. Kahajino, vakiko vejile Mupambo ya Shili. Aze—aze meya apwilenga “amasasu,” *Marah*. Mwomwoika Kalunga avatetekelele kumeya amasasu? Kusoloka nge Ikiye atelete kuvatetekela kumeya amwaza. Oloze Ikiye avatwaminyinyine kumeya amasasu mangana Ikiye ahase kwinjikiza lufwelelo lwavo. Ikiye azanga kulinganga ngachize. Ikiye azanga kwecha maukalu eka naeka kwiza hali enu, kusolwesa nge Ikiye nahase kukusolwesa ove zangi Jenyi na ngolo Jenyi. Nachipwa ngachilihi navathu, lelo, vase vazeneka kufwelela muvikomwesa vyakuzata cha Kalunga, omwo maukalu eka naeka nawakeza, vakiko navakalitwamina nakwecha? Oloze etu twafwelela nge “Kalunga azanga vikomwesa.” Ikiye keshi . . . Kalunga atwama . . .

²⁴ Ivwulilenu kuli echi. Kachi Kalunga keshi kulinga mwomumweko, omwo maukalu amwe nawakatuka, jino Kalunga namulonga wakupwa wakuhona kuzata kanawa kuli vathu Jenyi. Kulimanyina cha Kalunga chatonda ikiye kuzata muchuma kana nge ngachize Ikiye muze alingile hachuma chikwavo, mokomoko Ikiye apwile wakuhenga omwo Ikiye azachilemo muchuma chatete. Kachi Kalunga keshi kulinga mujila yoyimweko Ikiye alingile ha mulonga watete, kachi Ikiye mwaya na kuzata mwakulimbalaka nachuma chamuchivali, jino Ikiye azachile mwakuhenga omwo Ikiye azachile hachuma chatete. Kachi Kalunga ahindwilenga vakakuviza mu Tesitamende Yamwaka, Ikiye atela kulinga echi mu Tesitamende Yayihya na lelo, mokomoko Ikiye alingile mwakuhenga omwo Ikiye avahindwile vakiko muze. Ikiye atela kulinga mwomumwe, lwola lwosena. Kaha Ikiye mwaya nakuchilinga, omwo lufwelelo lwolumwe lweji kuliwananga na chiyoyelo. Mulonga uli muli etu, keshi muli Kalunga ko. Mwomwo etu twamumono Ikiye hali vamwe, kaha vavavulu, kuzata vikomwesa vyavinene vyakulimanyina. Etu tunatachikiza echi. Kutoleka kacheshi kuhanjika, “Echi kacheshi ngochoko.” Mwomwo etu twamono Echi kwinjikiza, kaha mukiko chili.

²⁵ Vakiko vapwilenga nakuhanjika ngwavo, “Ngulwekese yami chikomwesa.” Vakiko kaveshi kuhasa kuhanjika chize cheka. Sayasi kayeshi kuhanjika echi chekako. Etu tunahase vene

kwinjikiza kukaye kasayasi. Kaha kaye kasayasi kananjikiza Uthu wangolo jakalunga, muchifwanyisa cha Panda ya mulangi wa Kakahya, chili muli etu. Hano hakiko hali chifwanyisa Chenyi, hano vene, kaha chimwe chili chakusukika mu Washington, DC, ufuku uno. Nanapu youmwe Kulishitu.

²⁶ Shikangaho, shimbu etu, vandumbwami vakakuzata vapwilenga nakungulweka, “Mamalelo, Ndumbu walunga Branham, uze apwilenga liyavolo. Kanda kulinunga na chize ko.” Angulingishile kupwa nawomako.

²⁷ Kaha Kangweshi kuhasa kunangula echi palanga Kalunga ejile na kuchisolwesa, nge, “Ikiye Youmwe Yesu, uze Youmwe.” Mamalelo, kahajino eseka kuchinyikisa echi nakuchifumisa muli ami? Kacheshi kuhasa kulingikako. Mwomwo, echi chinapu Chisoneka. Lili Lizu lya Kalunga. Echi kachapwile kaha nge kutachikiza chize chinakasunuka. Echi chinapu kutachikiza chize vananjikiza na Lizu lya Hayamyaka lya Kalunga lya lushiko lwakukisula.

²⁸ Jino, etu tunamono hano, jino, nge Ikiye ahanjikile ngwenyi.

Mwomwo veyavaze, vamusowangijile, omu vevwile: . . .

Punduvene. Vakiko vakwechi kuzeya, lwola lwosena vakiko navawanyina muchihela kuze chakulisolola. Kahajino chumamuka vakiko navaya nakulinga? Vakiko navaya nakutuka, nakupwa wakuzeya, na kutonda kwalumuka, na, “Mwomwoika echi nachisoloka kuli yami *ngachize?*”

²⁹ Chuma chaungeji, chimene chino, hanyima yakunangula nge omu Ngwawashile, kuze kuli vavavulu vejile kukamenga na kumuhula Echi, “Mwomwoika echi nachisoloka kuli yami?” Enu mwamono omu Echi nachiya nakulingika? Echi nachiya helu lya mutwe wa vathu. Vanapu vovamwe, vathu.

³⁰ Yesu ambile ngwenyi, “Enu muli na meso, oloze kamweshi kumwenasako.” Ikiye aahanjikile echi kuli tumbaji.

³¹ Vakiko vambile ngwavo, “Tala, jino Ove uli nakuhanjika hatoma. Jino etu twafwelela. Naumwe muthu atela kukulweka Ove kala chuma, mwomwo Kalunga nachisolola echi kuli Ove.”

³² Ikiye ngwenyi, “Ove wafwelela jino, hanyima ya lwola lwosena?” Talenu?

³³ Enu kamwatela chumachimweko, kuli Kalunga. “Mwomwo jitambo ja vakakwoloka veji kujitwaminyinanga kuli Mwata.” Kaha kala cheseko chili hali enu, chinapu kwinjikiza enu. Kaha eyi Mbimbiliya ngwayo, “Vikiko vanapu vya mwaza kuli enu kuhambakana ulu.” Shikaho kachi Kalunga mwecha kuyanjiwisa chachindende kusoloka hali enu, anuka, chinapuko kupwa chakumyolola. “Mwana walunga wose mweza kuli Kalunga atela kupwa wakuzangamisa kuli Kalunga, na kweseka, kulongesa chavana.” Kakweshi numba

chimbalanganyiko. “Kala mwana walunga uze mweza.” Kaha luyanjisa lwapwako, vyeji kwizanga mangana kumona mulinga ngachilihi. Talenu? Napu Kalunga, ha mavu kwinjikiza. Mukiko hamavu hosena hatela kupwa, hapwa hakwesekela, kaha haze Ikiye alinakweseka kukwinjikiza.

³⁴ Jino ivwililenu, shimbu natuya kulutwe. Kaha Ngwatondo kumbata chihanda chamakumishilo.

Kaha alishingile hali veya ngwenyi kaveshi kukengila mukunoka chamiko, . . .

Jino, kuze kukiko etu tuli nakwiza, ufukuuno.

. . . kukengila mukunoka chamiko, ngwetu hali vaze valikangile nyi?

Shikaho etu twamono nge vakiko kavahashile kwingila . . . mwomwo hakuhona kuzeneka kufwelela.

³⁵ Jino, shili chuma muka? Kuzeneka kufwelela. Kalunga ejile kuli vakiko, mu Panda ya mulangi wa Kakahya; atumine kapolofweto Kenyi, na kumuwavisa ikiye, amuhanyine vinjikizo kulinga kumeso avathu. Kaha jino ize Panda ya mulangi wa Kakahya, kuli kapolofweto, kuvatwaminyina nakulovoka. Kala ukalu nauvawana, vakiko vaputukila kuyayavala na kuhanjika hakala kaukalu kakandende vakiko vawanyine muli Mose, kuputukile kuhanjika na kuhanjejeka hali ikiye. Kaha Kalunga kawahilileleko, mwomwo Ikiye ahanjikile nge vali nakuvulumuna.

³⁶ Vakiko vatelele kwivwulila. Oloze, kachi valinge ngachize, vakiko kwivulila kumulonga kana, “Nachiya nakupwa ngachilihi? Nachiya nakupwa ngachilihi?” Kachi Ikiye apwa Kalunga, vyuma vyosena vinashiwa. Kaha Ikiye mwaya nakulingisa vyuma vyosena kuzachila hamwe nakuneha kuwaha kuli vaze vamuzanga Ikiye.

³⁷ Jino etu tuli nakuya nakulinangula chachinene hano, hali echi, ha “Kunoka,” *sambata*. Jino, vakiko vapwile vakakuzuzumana muungeji wavo. Talenu? Vakiko vanapunga mu Yijipitu, myaka fwo handulendi, kaha muundungo. Kaha jino vakiko vapwile vakuneha vikomwesa vya Kalunga, kutesekesa na lushiko Lwenyi. Kaha vakiko vapwilenga mujila yakuya kulifuchi lya lushiko. Kaha hano Kumunyika chaukalunga kusoloka, mukachi kavo, na kuputuka kuvatwaminyina.

³⁸ Jino, mthuumwe mwaya nakuhanjika ngwenyi, “Jino, tala hano, hiya ou Mose? Hiya akulingishile ove kupwa mukakuyula etu? Ove kaweshi umwe wetuko? Hiya akuhakile kuno kupwa mukulwane wetu? Ove unashinganyeka nge wahambakana chikuma kutachikiza kuhambakana kafunga ketu omu eji kulinganga? Ove washinganyeka nge watachikiza kuhambakana kapilishitu omu eji kulinganga? Ove unashinganyeka ove unapu—ove unapu wautongwe kuhambakana malunga

vakakulifukula, valikumbi lino?” Chize kacheshi chuma chakulinga nachizeko.

Apwilenga Kalunga, mu Panda ya mulangi wa Wakahya, kwinjikiza nge Ikiye apwilenga nakutambuka. Kachanehele chihandwako hiya apwile wautongwe kaha hiya kapwile wautongweko. Chapwile chishinganyeka kukavangiza chumamuka Kalunga ahakile kulutwe lwavo.

³⁹ Mwomwoika, Mose, nge kutwala mumujimba, kulinga chuma chauleya omwo ikiye esekele kusokola vana na Lizu lya Kalunga, kumbata lizavu lya vathu muze mupambo. Omwo ikiye apwilenga na...Mwomwoika, ikiye apwilenga swana ku vyuma vyosena vakiko vapwilenga navyo. Ikiye apwile namaswalale vosena kuze apwile, mukaye kosena, kuvajiha. Kaha kuze ikiye apwile, Mukulwane wamaswalale wamunene. Kaha kutambuka chikwavo, ikiye atelele kupwa mwangana, Fwalo wa Ejipitu. Mwomwoika, ikiye atelele kuyina ha litanda, nakwamba ngwenyi, “Chosena chakwoloka, vana, kinduluka kumembwenu.” Mukiko kaha; ikiye apwilenga Fwalo. Oloze Mose...

⁴⁰ Mamalelo, hano echi chili. Mose, ha *lufwelelo*, amwene lushiko lwa Kalunga. Kaha Kangelo ka Mwata kwiza kuli ikiye, kaha ikiye atachikijile chikuma hali Kalunga, muminyutu yitanu Kumeso a Kangelo, kuhambakana vize alinangwile mummyaka fwote navalongeshi vamu Ejipitu. Ikiye atachikijile omu Ikiye apwilenga. Ikiye amwene ngolo jaukalunga kulingika.

⁴¹ Ikiye ambile ngwenyi, “Nanguya nakupwa na ove, Mose. Nanguya kulutwe lwove.” Kaha vakiko vevwushishile. Kaha Ikiye amuhanyine vinjikizo kuzata.

⁴² Jino, vakiko vapwilenga mujila yavo yakuya kulifuchi lyakunoka. Kalunga avatulikilile kunoka, chihela chize vakiko kaveshi kukapwa na...myata hali vakikoko, kuvatetekela, kuvalingisa vakiko kulinga vyuma.

⁴³ Chifwanyisa kana likumbi lya lelo, omwo etu natutala ha liuka na kumona liuka museteko yacho. Kala muthu uze asemuka muli Shipilitu ya Kalunga atoleka kaye, “Kaha kachi enu namuzanga kaye mokomoko vyuma vya kaye, zangi ya Kalunga kayeshi muli enuko.” Omu mukiko yahanjika Mbimbiliya. Kaha mukakuzuzumana, mujila yenyi, kazanga vyuma vya kayeko. Ikiye mukakujinda kumona malunga kunwa wala. Ikiye ajinda kumona malunga kunwa makanya. Ikiye ajinda kumona mapwevo mujila, na tuuvwalo twatundende twamajilo. Ikiye ajinda viwanyino vya mulavalava na makati.

⁴⁴ Kaha zau, shimbu Ndumbu walunga Tony...mokomoko Ndumbu walunga Wood na Yami twapwile nakwiza nakuhita mujila, naveka nawa, vamwe vaze malunga... Kuze kwapwilenga pwevo wakalemesa wamundende kuze mu

Louisville, kwiza nakushikumuka mujila, kusoloka pwevo wamwaza kumutala, na nauvwalo wapwilenga waukalu; wakuzunduka chindende helu lyatungi, kaha nakalungoji kakandende mumbunda yenyi, kusali nasali, kaha na kachihanda kalihina kakandende kumujingilika kulutwe lwenyi, kaha kakukasa na kalungoji kunyima. Kutambuka nakushikumuka mujila, muukenya, kaha kala muthu ali mujila kutala hali ikiye. Ngwambile ngwami, “Ikiye nahono kutachikiza nge ikiye ali na mulonga, kumeso a Kalunga, na kulinga ujila na kala muthu atalile hali ikiye mujila kana. Kaha ikiye mwakaya nakukumbulula halikumbi lya kusopesa ha kulinga ujila na vaze malunga.”

⁴⁵ Yesu ambile ngwenyi, “Wosena mwatala hali pwevo nakumuvwila lushiushiu, nalingi ujila na ikiye lyehi.” Echi chakwoloka.

⁴⁶ Shikaho, munamono, Ndumbu walunga Wood ahanjikile kuli yami, “Chuma muka ove wetaviza hali chize, Ndumbu walunga Branham?”

⁴⁷ Ngwambile ngwami, “Chili pamo kuluwangana cha wongo mokomoko kuhetuwa kuli liyavolo.” Kuli kaha vyuma vivali chinahase kulingisa ngachize. Wakalemesa, pwevo utoma keshi kuhasa kuvwala vize vyuma kuvangila ali wakuhetuwa kuli liyavolo. Ou unapu Muchano.

⁴⁸ Jino, mukakuzuzumana ali mujila yakuya Mwilu, ikiye ayoya muchiyoyelo chakuhandunuka. Ove kawatela kuli zakamina hali ikiye hakutala hali ikiye. Ikiye mwaya nakwalumuna mutwe wenyi kachi ikiye akwechi Kalunga mukachi ka muchima wenyi, mwomwo ikiye alinakuyoyela mukaye keka kaze kali miliyoni miyilosi kufuma muvyuma kana. Echi chakwoloka. Ove kawazangile kupwa namulonga wachuma kana, kuze kuchisopelo. Shikaho ikiye mwalumuna mutwe wenyi na kuhanjika, “Kalunga, pwako nakeke hali uze pwevo,” kaha ikiye mwaya. Etu tuli mu ungeji wetu. Etu tuli mujila yetu yakuya ku Limbo lya Kanane. Etu tuli mujila yetu yakuya ku Hayamyaka na kukukisula cha Kunoka echi Kalunga natuhane. Kaha muungeji, etu veji kutwesekanga. Etu veji kutwesekanga mujijila jeka nakeka, oloze veji kutwesekanga chakuzeneka kuvulumuna.

⁴⁹ Jino talisenu, shimbu etu natuya ku kapetulu 4, “Echa twivwenu woma.”

Shikaho twivwenu woma, kuchinomu, vanatusela lyehi lushiko lwakuvuluka kwingila mukunoka chenyi, . . .

⁵⁰ Ngwatondo enu kwanuka, chize, kuvangila etu tunawane, kuvangila Kalunga natusolwelacho etu! Chipwethuhu natuya ngachilihi kuliuka, chize kacheshi chuma chakulinga nachizeko. Kalunga atela kwiza ha kusoloka na kulisolola Lyavene kuli etu,

nge kumbata vyuma vyosena vya kaye kulovoka. “Jino, shimbu vahanjika, ‘Lelo kachi ove. . . .’”

51 Jino echa tuputuke ou—ou kapetulu 4.

Shikaho twivwenu woma, kachinomu, vanatusela lyehi lushiko lwakuvuluka kwingila mukunoka chenyi, . . .

52 Jino anuka, omwo vakiko vapwilenga mujila yakuya ku Kunoka, eyi Panda ya mulangi wa Kakahya yava twaminyinenga. Jino etu twatondo kuwana, “Chuma muka echi Kunoka?”

Shikaho twivwenu. . . woma, luze lushiko lwakuvuluka kwingila mukunoka chenyi, (tala), nakukapwa pamo minenu umwe navakamona ngwavo, nahonomo.

53 Jino, hano hakiko hali lushiko. Hano hakiko etu twatela kwivwa woma: kachi kakweshi lushiko atuseleleko. Oloze kuli lushiko! Kaha jino, chuma chakushisaho, kanda kuhona kutachikizako.

54 Jino, chishinganyeka chili, kachi etu tuli mujila yakuya mu Kunoka, Kunoka chumamuka? Chili kulihi? Chinapu kulinunga na liuka? Nyi kupwa wakujimika mujila yimwe? Nyi kwiza nakupwa membala waliuka limwe lyalinene mumbongi? Kuvwala uvwalo wambwende? Nyi chinapu kutanga? Nyi kupwa na mali, katweshi kwecha kuzata nakutwama kahako, kunoka nakupwa nakunoka cha kuyoya chetu, nge omu tweji kuchivulukanga? Omu keshi mukikoko.

55 Ivwulilenu omu Mbimbiliya yahanjika hali echi, kaha nomu etu natupwa nacho.

Shikaho twivwenu woma, kuchinomu, vanatusela lyehi lushiko lwakwingila mukunoka chenyi, nakukapwa pamo minenu umwe navakamona ngwavo, nahonomo.

Mwomwo nayetu nawa (likumbi jino) lize vanatwambulila mujimbu wamwaza nge, chapwile vakivo nawa: . . .

Nyi Mujimbu wamwaza chuma muka? Yikiko mijimbu ya mwaza. Ize mijimbu yamwaza yejile kuli vakiko muze mu Ejipitu, nge, “Kalunga natumu mukakulwila, kaha Ikiye mwaya nakutulovola na kututwala kulifuchi lya lushiko.”

56 Ize mijimbu yamwaza kuli etu jino, nge, “Kalunga natumu Mukakusokola, Shipilitu Wajila, kaha etu tuli mujila ya lushiko lwa Lifuchi.” Jino vathu vanaulingisa kupwa jishimbi jauthu na vikungulwilo, oloze Kalunga hanga emana, ngachize, nge *Kunoka* chetu chili “Shipilitu Wajila.”

57 Tachikizenu.

. . . mujimbu wamwaza aze vanangwile nge . . . vakiko nawa chochimwe na kuli etu nawa: oloze mazu aze vevwile kawavawahishile vakikoko, aze . . .

Anuka:

. . . lize lizu vevwile kawavawahishile vakikoko, mwomwo kawawanyine kufwelela mangana alinunge navaze vavevwileko shikaho.

58 Mamalelo, vandumbwami, echa yami ngwimane hano ha munyutu kaha. Chipwethuhu Lizu navalinangula ngachilihi, wazanga ngachilihi mujila Veji kulinangulanga, kuvangila ove lyavene mupwa wakutambwila hamwe na Chize, Kacheshi kukulinga ove numba chumachimwe chamwazako.

. . . kawawanyine kufwelela mangana alinunge navaze vavevwileko.

59 Vakiko vamwene vikomwesa vya Mose. Vakiko ngwavo, “Chize chamwaza.” Kaha vakiko vatambukile nakuya. Vakiko—vakiko vamwene kuzata vikomwesa. Kaha vakiko vamwene ize Panda ya mulangi wa Kakahya, pamo, mokomoko kuwivwa vakiko kuhanjika hali Chize. “Mamalelo, chize chapwile chakwoloka.”

60 Oloze kalyapwile lyakufutula na lufwelelo lwauthu. Mwomwo hazevene vengilile mupambo, vakiko (vosena) vaputukile kuyayavala. Kaha Kalunga ambile ngwenyi, “Mwomwo vakiko va kakasanyine, kupwa shili.” Kanda kukakasana chumachimweko. Fwelela. Kanda kukakasana, chipwetuhu ukalu uli nawo, fwelela Echi.

61 Jino vakiko vaputukile kuyayavala, kaha Kalunga avambilile. Kaha jino Ikiye alishingile, mu ndombo Yenya, nge, “Vakiko kavatela kwingila mu Kunoka Chenyiko.” Kaha eyi Mbimbiliya yahanjika hano, Ngwafwelela Echi chili mu—mu kapetulu 3, nge, “Kaha nyama yavo yaholokele mupambo.”

62 Kapetulu 3 na vasi 17.

Kaha veyaze vaze ikiye apwilenga evwilililenga kupihya ha myaka makumi awana? vaze vavulumwine nyi, vakwechi mijimba yavo yalindwomokele mupambo?

63 Kaha vosena vejile nakulovoka mu Yijipitu, vavali kaha ayile mulifuchi lya lushiko. Valovokele kaye kosena kalivaji, mumakumbi ahichile, vapwile kaha myono eyiti ikiko valwilile, kufuma mujimbiliyoni. “Chikolo chachindende kaha jila yakulipalakanya, kaha oloze vavandende navakaya nakuyiwana.”

64 Vathu vamwe ngwavo, “Kahajino, Ndumbu walunga Branham, ngachilihi awa masauzande osena aze Mbimbiliya yahanjika nge navakasoloka kuze?”

Anuka kaha vangahi vafwile mukala chisemunuino, vaze vanapunga Vakakulishitu, kushikumuka nakuno kuchisemunuino. Vakiko navaya vosena kusanguka. Echi nachilingisa kutunga Mujimba. Enu namushinganyeka ngwenu nakukapwa handulendi mbiliyoni muno mu America, kulovoka, mokomoko vamwe veke, mulikano kaye lelo. Pamo kamweshi pamo kukalovokamo numba fifite koko. Oloze pamo Liuka kaha lyakulanda lyalinene lili mulukungu, nakuvandamina. Vakiko vanapu luheto lwa Kalunga luze luli mukunoka mulukungu. Oloze myono yavo mwishi ya kamenga ka Kalunga. Vakiko kaveshi muutwamo wavoko. Vakiko vali mumujimba, mwamuchano, oloze mujimba waushipilitu. Kaha vakiko kutambakana kuli Kalunga, "Lwola muka?" Vakiko vanahase kumona umwe mukwavo, oloze vakiko kavahashile kulimeneka mumavoko avoko, uze muyachi wa mujimba.

⁶⁵ Ove muya nakuliwana na mama yove mu Upahu ufuku uno, kachi ove muyako, ove kaweshi kuhasa kulimeneka mulivokoko mwomwo ikiye keshi na muyachi walivokoko. Ove kaweshi kwivwa nge omu uli nakwivwa ko. Mwomwo, vishinganyeka vitanu vinapu vyakuhaka muli ou mujimba, nakuuyula. Kupwa chenye navakachiseza mukusoloka mweka.

⁶⁶ Chize chinapu nge lunga na pwevo. Kakweshi kukapwa kulimbatako, mokomoko kuhangisa, muze Mwilu. Mwomwoika? Mwomwo kuli zangi yamuyachi weka. Kakwechi kufwila chausundako. Vyuma vyosena vinahichi lyehi. Enu vanamitomesa lyehi.

Oloze enu kanda lyehi muyoyele muli ize seteko, shikangaho enu kavamitengelele ize setekoko. Enu muli kaha nakuvandamina kuze. Oloze enu muli nakutalilila kwiza nakukinduluka muze vamitengelele kupwa muthu walunga na wapwevo, kaha kuze kukiko Kalunga mwakaya nakusangula mujimba kuufumisa mulukungu lwa mavu na kuutohwesa. Kahajino enu namuya nakumona, kumakila, kwivwa, kunuka na kwivwa, na kuzachila. Etu katweshi kuya nakutachikiza . . .

Etu katwahashile kuwahilila na chiyoyelo cha Kangelo. Etu kavatutengele kupwa Vangeloko. Kalunga atengele Vangelo. Oloze Ikiye atengele ove na Yami, malunga na mapwevo. Omu mukiko etu natuya nakupwa, hayamyaka, ha Kwiza Chenyi cha kukisula Chenyi.

⁶⁷ Jino, talenu omu vakiko vahihililamo, mwomwo vakiko vavulumwine nakuhihilamo kuupahu wenyi. Kalunga avasolwele vakiko ize Panda ya mulangi wa Kakahya. Ikiye avahanyine vinjikizo na vikomwesa. Ikiye avatwaminyinyine nakuvalovolamo. Ikiye avanehele kweseka nakuvenjikiza.

⁶⁸ Jino, kanda ove upwenga na vyeseke vyavivulu? Kanda kuyayavalako hali vakiko. Wahilila. Kalunga ali na ove. Ikiye ali nakweseka kwinjikiza lufwelelo lwove. Tala hali Yopa mu

Tesitamende Yamwaka, omwo Ikiye ahanjikile ngwenyi, “Ove unamuningilila ngamba Yami Yopa, muthu wakwoloka, muthu wakukupuka? Kakweshi umwe nge ikiyeko hano hamavu.”

⁶⁹ “Mamalelo,” ikiye ambile ngwenyi, “pundu, Ove unamujingilika muchipato: keshi nakala maukaluko, keshi navyakulizakaminako. Ikiye keshi nakala viteli vyamaliko, vyuma vyosena vili kanawa. Ikiye keshi nakala misongoko, kala kukola. Echa yami ngumukwate ikiye. Nanguya nakumulingisa ikiye kukwangula Ove, kumeso Ove.”

⁷⁰ Ikiye ambile ngwenyi, “Ikiye ali mulivoko lyove, oloze kanda kumbata kuyoya cheniyiko.”

⁷¹ Mamalelo! Ikiye alingile vyuma vyosena oloze mbatenu chiyoyelo cheniyi, oloze ikiye kahashile kunyikisa Yopa ko. Yopa atachikijile ikiye emanyine ha Lizu. Echi chakwoloka. Kaha vosena va ndemone kufuma muhetese kavahashile kumunyikisako, mwomwo ikiye atachikijile nge ikiye alambwile mulambu. Ikiye apwile wakwoloka. Kaha vakiko vamushingile, ngwavo, “Ove unavulumuna, Yopa, kaha Kalunga alinakukuzangamisa.” Ikiye atachikijile nge Kalunga kahashileko. . . nge ikiye navulumuna kumeso a Kalunga. Ikiye atachikijile nge ikiye apwile wakwoloka. Keshi mwomwo ikiye apwile muthu wamwazako, oloze mwomwo ikiye apwile nakwitavila mulambu wakwocha muchihela cheniyi.

⁷² Kaha, ufukuuno, etu tunatachikiza nge chiyoyelo cheniyi enjikijile nge ikiye apwile wakwoloka. Kaha omwo enu . . . Keshi kweseka kuya kwimbo ku Upahu mwomwo enu namweseka kupwa wakulihata neniyi; echi chinapu chamwaza. Keshi mwomwo enu munalinunga na liukako; echi chamwaza. Oloze enu namuya kwimbo mu Upahu mwomwo enu munetavila kwoloka cha Yesu Kulishitu, kakweshi chuma ove nauhasa kulinga ove lyavene.

⁷³ Jino, shimbu natutanga.

Mwomwo nayetu nawa vatwambulile mujimbu wamwaza, . . . (vasi 2) . . . nge vakiko nawa: oloze mazu aze vevwile kawavawahishile vakikoko, mwomwo kawawanyine kufwelela mangana alinunge navaze vavevwileko shikaho.

Lufwelelo kalwapwile muli vakiko vase vevwile Lizu.

⁷⁴ Shinganyeka kaha, lelo, ou waundende, mulimo wakulikehesa uze Mwata nanguhane, kuze kwatela kupwa vaka America fwote miliyoni vakulwila, ufukuuno. Munatachikiza chuma vakiko vali nakuhanjika? “Mwomwo, chapwile nge kuluwangana chamuwongo. Ikiye napu mukakutanga vishinganyeka. Kakweshi vyakufwana nge ngachizeko! Mwomwo, ikiye kapandama kuliuka lyetuko.” Talenu? Echi kacheshi . . . chipwethuhu ove nauhaka ngachilihi ha Lizu na kwinjikiza nge linapu Lizu Iya Kalunga, elu lunapu lushiko Iwa

Kalunga, omu sayasi yinahase kwinjikiza echi nge Ou unapu muchano, vakiko kaveshi kuhasa kufwelela ko. Eyi Mbimbiliya ngwayo vakiko kaveshi kuhasako.

⁷⁵ Ngwenyi, “Kahajino mulimo uka Wakuunangula?” Kalunga atela kupwa na chinjiho, nakuvapaisa vakiko, hali lize Likumbi. Eli Lizu valinangula na kwinjikiza mukachi kavo, kaha vakiko hanga vapwile vakuhona kutachikiza kutambuka nakuya. Kakweshi chuma chimweko chasele shina kusopesa. Kalunga kahashilekaha—keshi kuhasa kaha kusopesa lifuchi kuvangila echi chapwile na keke shimbu kanda echi chipwenga chakusopesa. Ikiye apwa Kalunga. Ikiye kahashile kuchilingako.

⁷⁶ Jino natuya nakuhanjika ika?

Mwomwo etu... tunafwelela tweji nayetu nawa twatela kwingila Mukunoka, nge muze ambile ngwenyi, Nge muze ngwalishingile nandombo yami, ngwami kaveshi kukengila mukunoka chamiko: oloze milimo yenyi yapwile yahwile lyehi kufumisa kukwala chihela chamavu.

Mwomwo likumbi lyamuchitanu naavali ha—ha nalivuluka hamwe ngwenyi, . . .

⁷⁷ Jino, Kangwazangile kunyengetesa vathu vali nakwivwako, kufumbukila kulifukula chavo. Echi kacheshi pungu yamiko. Muze muwande, Ngweji kaha kunangula kamwe nakamwe, kwambulula mujimbu wamwaza, kunangujola vyachikuku. Oloze mu mbalaka, mukachi ka vana vami hano, Nguli nakwivwa Nguli nalisesa lya kunangula chuma muka Ngwashinganyeka chinapu Kunangula na Muchano. Talenu? Ngwashinganyeka echi chakwoloka.

⁷⁸ Jino, Ngukwechi masauzande yamasepa vamwaza vaka Sambata, vathu vaze vaka Seventh-day Adventists. Vamwe masepa vamwaza chikuma vaze Ngukwechi, vamwe vapwa Seventh-day Adventists.

Chipwethuhu, kutambuka chachinene, chize vavuluka kupwa, lize—lize *Voice of Prophecy*, vakiko kungwimanyina nakole. Vakiko vambile ngwavo Nanguhanjika hanjikiso mukamenga, kaha ambile ngwenyi, “Ngwapwile Kalunga. Kaha chize—kaha chize Kumunyika chize chakavangijilenga uze Kangelo, kaha Ngwapwile Kalunga. Kaha Ngwejile kukaye nakulinga vyuma vyavinene, kwinjikiza kuli vathu nge Ngwapwile Kalunga.” Jino, omu mukiko *Voice of Prophecy* yahanjikile hali yami, mu California. Kaha kala wose akulwekele ngachhize, unatachikiza, kulweka chumachimwe, kachapwile ngochoko.

⁷⁹ Oloze muchihela chatete, keshi kumbata vishinganyeka vyavipi ha liuka lya Seventh-day Adventist mokomoko kala liuka lyeka lyavaka Sambatako, oloze mwomwo kaha

ya Mujimbu wamwaza. Etu tuli nakuya nakushikumuka, muminyutu yayindende, ha Pendekosita, nawa. Yaah. Muchano. Ha Mbaputishiti, etu tuli nakuya nakushikumuka na kusolwesa nge Kalunga keshi kumwena chikungulwilo mwekako. Echi chakwoloka. Ikiye eji kutetela kaha muthu hakapanji. Kaha Ikiye kazata na kala chikungulwiloko, Ikiye kalingile ngochoko kaha Ikiye keshi kuhasako, kutesekeka na Lizu Lyenyi. Oloze Ikiye eji kuzatanga na muthu ukawenyi ali muchikungulwilo. Eyo, echi chili muthu ukawenyi Kalunga eji kuzatanga nyeni.

⁸⁰ Jino iwilila kuli echi hatoma to, kaha nge, kala lwola, chize nachipwa chihula nachiza kuli enu, nachiya nakupwa chakuzama. Jino, echa Mwata atukafweko.

⁸¹ Jino, kupandamako, “Mwomwo . . .” Eyi vasi 4.

*Mwowmo halikumbi lya muchitanu naavali
nalivuluka hamwe ngwenyi, . . .*

⁸² Jino tala. Ikiye ali nakuhanjika ha sambata. Vangahi vatachikiza nge eli lizu lya *s-a-m-b-a-t-a* mu Ikiye- . . . lizu lya Hepeleu kulumbununa “k-u-n-o-k-a”? Vangahi vatachikiza echi, mu Ingilishi? Punduvene. Kanda *sambata* lizu linevwakana kanawako? Echi chili.

⁸³ Kanda *kujilika* chuma lizu chakulelesa? *Kujilika* linapu lizu lya Greek. *Kujilika* kulumbununa “kumulingisa kupwa wakujila.” Hepeleu kulumbununa “kulingisa kujila.” Greek, kulumbununa “kujilika.” Ingilishi, kulumbununa “kulingisa vitoma.”

⁸⁴ *Sambata* kulumbununa “likumbi lya kunoka.” Echi chikiko sambata ya sambata, likumbi lya kunoka. Omwo enu namumona *kunoka*, kulumbununa “sambata.” Tala echi mumukanda uvene, kachi nachisoloka kupwa na Mbimbiliya yachi Greek, kaha kuwana kachi lizu . . . Kachi ove ukwechi Mbimbiliya ya Scofield, tala hali kutanga chove “kunoka” kaha talenu kachi echi kacheshi kuhasa kukukindulwisa kuli *sambata*. *Sambata* kulumbununa “kunoka.” Chosena chakwoloka.

⁸⁵ Jino Tala.

*Shikaho twivwenu woma, kuchinomu, vanatusela
lyehi lushiko lwakuwuluka kuli etu kwingila mu
sambata chenyi, . . .*

⁸⁶ Jino, vathu vavavulu veji kulama makumbi, nge sambata ya *Sateli*. Veka veji kulingisa *Chalumingo* kupwa likombelo, likumbi lyakufukula. Kaha ha likoji lya Kalunga, kaha ha Lizu lya Kalunga, Kalunga ngukafwe yami ufukuuno, Ngunahase kwinjikiza kuli enu nge vosena vali vakuhenga. Vosena vakakulifukula cha *Chalumingo* kaha mukakulama sambata, vakiko vene vosena chakuhenga kupwa hamwe na Lizu. Kaha hanyima ya vyosena, eli linapu Lizu lize etu twatela kuya, keshi ha chuma va Adventists vahanjikile, mokomoko keshi ha

chuma muka Vakakulikanga kuhanjika, mokomoko va Katolika kuhanjika. Echi chikiko kuhanjika cha Mbimbiliya.

⁸⁷ Jino, jino tala.

Mwomwo likumbi lyamuchitanu naavali ha nalivuluka, . . .

Jino etu natuya nakuhaka chumachimwe nge *ngana*, na kusanyika echi—echi, “Kunoka cha Kalunga,” likumbi lya muchitanu nakavali.

⁸⁸ Jino tala. “Kaha Kalunga . . .” Ivwililenu kuli echi Chisoneka jino.

. . . kaha halikumbi lya muchitanu naavali Kalunga anokele kumilimo yosena.

Kalunga apwilenga na Sambata, kaha lize likumbi lya muchitanu nakavali kupwa na myaka sauzande yayisuku, chifwanyisa cha Likombakaji.

Mwomwo . . . likumbi lyamuchitanu naavali nalivuluka hamwe ngwenyi, halikumbi lyamuchitanu naavali Kalunga anokele . . . kumilimo yenyi—yenyi yosena.

Uze lyavene kuvuluka muthu, “Milimo *Yenyi* yosena.” Ikiye azalishile ha likumbi lya muchitanu nakavali. Uze ikiye Kalunga.

Kaha muli chino chihela (mushi ya lushimbi), *Kachi vakiko navakaya nakwingila mukunoka chami.*

⁸⁹ Kalunga anokele, kumujimba, mwomwo Ikiye atangile melu namavu mumakumbi likumi nalimwe, kaha ha likumbi lya sambata Ikiye anokele kufuma kumilimo *Yenyi*. Ikiye anokele ha myaka sauzande. Mwomwo Mbimbiliya ngwayo, chize, “Likumbi limwe hano hamavu anapu myaka sauzande ya Mwilu; myaka sauzande mu Mwilu lili likumbi limwe ha mavu.” Vangahi vatachikiza echi Chisoneka chinahanjika muli Petulu Wamuchivali? Chosena chakwoloka. “Kalunga anokele halikumbi lyamuchitanu naavali. Kaha Ikiye ahanjikile aha hachihela chimwe.”

⁹⁰ Jino ivwililenu kanawa.

Mwomwo likumbi lyamuchitanu naavali nalivuluka hamwe ngwenyi, Kaha halikumbi lyamuchitanu naavali Kalunga anokele . . . kumilimo yenyi yosena.

Kaha muli chino chihela cheka, (lushimbi), *Kachi vakiko navakaya nakwingila mukunoka chami.*

Ikiye ahanyine va Yuleya, ha jila javo kufuma mulifuchi lya lushiko, mokomoko, kufuma mu Yijipitu kuya kulifuchi lya lushiko, likumbi lya sambata ya sambata.

⁹¹ Jino ivwililenu.

*Shikaho umona nge chinasale kuli vamwe
kwingilamo, kaha kuli vase valivangile kwambulula . . .*

Chize kunoka! Kalunga avahanyine lushimbi, kaha sambata kupwa lushimbi lwamuchiwana.

. . . kengilileko mwomwo ya kuzeneka kufwelela: . . .

⁹² Jino tala. Ikiye ali nakuhanjika ha lushimbi, omwo vakiko vengililemo, kavapwile na kufutula na lufwelelo ko. Vakiko kavahashile kululamako. Vakiko valamine sambata kupwa chakwanukilaho, nge vakiko navakaya kulifuchi lya sambata, kupwa na kunoka chahayamyaka kufuma kumaukalu osena na kukulizakamina chavo chosena, kaveshi kapwa cheka na vamyatako, kaveshi kapwa cheka na maufuku akuzeneka kunoka. Vakiko vapwilenga mujila yavo yakuya kulifuchi lya lushiko. Lyakumbwambumuka na mavele na uchi. Mihako yacho yayinene yakumbata malunga vavali havifwiji vyavo. Mamalelo, lifuchi muka lya kukisula! Oloze vakiko vahonene kuwana omwo vakiko vahetele kuze, mwomwo ya kuzeneka kufwelela chavo. Vakiko vamwalumwine sali, ha fwote milosi kufuma haze vakiko vasele Yijipitu, kuya kulifuchi lya lushiko. Kaha vakiko vapwile na myaka fwote kuya kuze, mwomwo ya kuzeneka kufwelela chavo. Kalunga avahanyine vakiko kapolofweto kavu, amuhanyine chinjikizo Chenyi, amuhanyine Panda ya Kakahya, kusolola vinjikizo na vikomwesa, kaha anangwile Mujumbu wamwaza kuli vakiko. Kaha vakiko vatambukile nakuya, hanyima ya vaishi na kulava, kaha yaholokelele muze mupambo. “Kaha mijimba yavo nayikanonga muze mupambo.”

⁹³ Yesu, ku kaselwoke, Ikiye ambile ngwenyi.

Ngwenyi, “Vakakuluka jetu valile mana muze mupambo, ha myaka fwote.”

⁹⁴ Ikiye ngwenyi, “NGWAPWA Mbolo ya Kuyoya yakufuma kuli Kalunga kufuma Mwilu. NGWAPWA Mbolo ya Kuyoya. Mose akuhanyine ize Mbolo. Tata Yami akuhanyine ize Mbolo. Kaha NGWAPWA Mbolo ize yakufuma Kalunga kufuma Mwilu. Kachi muthu mwalya Eyi, kayeshi kuka kafwako.” Kuli chihandwa.

⁹⁵ Jino tala. Vakiko ngwavo Ikiye. . . “Vakiko veji kunwanga kufuma ku Lilolwa lize lyapwilenga mupambo, kupwa chihela *cha myaka* yayivulu.”

⁹⁶ Ikiye ambile ngwenyi, “NGWAPWA lize Lilolwa.” Kukisula chipwenga ku Lijina Lyenyi Lyajila! “NGWAPWA lize Lilolwa.”

Nachipwa ngachilihi Ikiye kupwa lize Lilolwa? Lize Lilolwa lyapwilenga Lilolwa lya kushipilitu. Lyakavangijile vana va Isalele. Kaha Mose apwile na mukombo mulivoko lyenyi, wapwilenga mukombo wa ngolo ja Kalunga. Kaha Kalunga amulwekele ikiye kuliveta ku Lilolwa, kaha ikiye avetele lize Lilolwa. Kaha omwo ikiye alingile, meya kufuma ku

Lilolwa. Kaha Kulishitu apwilenga lize Lilolwa, kaha kusopesa cha Kalunga hafweto ya shili apwile hali Ikiye. “Kalunga alingishile kupwa hali Ikiye upapwoke kuli etu vosena” kaha uze upapwoke kutuvika mukachi ka muchima Wenyi. Kaha kufuma mumuchima Wenyi kuhingununa Shipilitu Wajila, nge tulwiji va meya, kuya nakukuma, vathu kufwa.

“NGWAPWA lize Lilolwa lize lyapwilenga mupambo.”

“Mwomwoika,” ikiye ngwenyi, “Ove unatwale nge . . .”

⁹⁷ Ikiye ambile ngwenyi, “Mose, uze umwe akulwekele ove chize, ikiye aholokele kumona Likumbi Lyami. Kaha ikiye amwene echi chihanda.”

⁹⁸ Ikiye ambile ngwenyi, “Jino, Ove unatwale nge Ove unapu wamunene kuhambakana Mose? Nge Ove unamono Mose? Kaha Mose napunga wakufwa mumyaka eyite handulendi.” Ngwenyi, “Jino etu tunejiva ngwetu Ove uli na ndemone,” mujila ikwavo, vakuzaluka. “Étu tunejiva ngwetu Ove uli wakuzaluka.”

⁹⁹ Ikiye ambile ngwenyi, “Shimbu kanda Apalahama apwengako, NGWAPWA. Ngwapwile UZE NGWAPWA WAMUNENE uze muchiputa chakukwata. Yami uze Kakahya uze apwilenga muchiputa chakukwata. Yami uze Kangelo uze ayile kumeso avo.” Kaha Ikiye ngwenyi, “Ngwafuma kuli Kalunga, kaha Nanguya nakukinduluka kuli Kalunga.” Kaha Ikiye ejile nakufuma kuli Kalunga, alilingishile kupwa wamusonyi na kutwama mukachi ketu; ayile cheka ku Panda ya mulangi wa Kakahya yoyimwe.

Kaha hano Ikiye ali, ufuku uno, hanyima ya myaka tu sauzande, “youmwe zau, lelo, na hayamyaka,” kulinga chuma chochimwe, kutwaminyina vana Venyi va kukisula.

¹⁰⁰ Kaha vavavulu vali nakwiza . . .mwomwo ya kuzeneka kufwelela. Jino, ikiye ambile ngwenyi, “Ikiye enyikile likumbi,” likumbi omwo Kalunga kukumisa milimo Yenyi. Jino, “Ikiye enyikile ‘likumbi likwavo,’ kaha hali echi, nge kachi vakiko navakevwa, kachi vakiko navakeza, nge kulama jisambata, kuya nakuhita mutukweji vavahahya na vyangocho.” Kuze kukiko kuli vandumbwetu vaka Advent kweseka kumikindulwisa kunyima.

¹⁰¹ Jino echa tutange. Talisenu.

Shikaho umona . . . nge kunasale kuli vamwe kwingilamo, kaha vaze valivangile kwambulila chatete vahonene kwingilamo hakulikanga chavo.

¹⁰² Jino, mu vasi ya 7. Mamaah, yami! Ngwahanjikile, nge Chisoneka chinapu chakuhwimina. Nanguhanjika, echi Chisoneka chili, kaha mukala jila, chakuhwimina. Awa makumi a Mbimbiliya akukupuka.

¹⁰³ Mwatalisanga nge yino United States napu nambala seteni muvyuma vyosena? Munatachikiza yatwama najimbongi

seteni? Munatachikiza ndembele yatwama na vatanganyika seteni mumwacho mwatete? Munatachikiza vyuma vyosena vize United States eji kulinganga ali nambala seteni? Munatachikiza echi chinasoloka mu Mbimbiliya mu Kusoloka 13? Punduvene mukiko chalingile. Uze chisuma wamundende, mwana mukoko ejile nakulovoka mumeya, keshi mwakuhima kaha kuvula chavathu, . . . keshi kulovoka muze mumeyako, oloze kulovoka mulifuchi, muze kamweshi umweko. Apwile najimbinga jivali: milingu na jingolo jakutanga. Kaha ikiye apwilenga mwana mukoko: kukasunuka cha kulifukula. Kaha hanyima yachize, vakiko vayile hamwe kaha ikiye ahanjikile nge chazangombe, kaha kuzata na ngolo josena jize Loma alingile kumeso eyi. Echi chikiko kwiza kulifuchi lyetu. Enu lusona nakushikumuka. Enu talenu mu Kuliwana cha Mauka na mu Katolika kulinunga hamwe, kaha tala chumamuka nachisoloka.

¹⁰⁴ Vathu vaze veji kukavangiza Panda ya mulangi wa Kakahya navakaya nakupwa na lwola lwalukalu, oloze vakiko vali vakulizanga ha kwalumuna cha luze lwola, echi chakwoloka, vakulizanga kuya. “Mwomwo Mwana Mukoko mukakuhasa vakiko,” ngwenyi eyi Mbimbiliya, “kaha vakiko vaze vakavangijile Ikiye, mwomwo vakiko vavavuluka kupwa vakusakula kaha vakushishika, vaze vaku Sakula kuli Kalunga.” Lilamenu kufuma kuli uze upolofweto jino, shikaho etu tunahase kutwalilaho.

¹⁰⁵ Iwwililenu kanawa, kapetulu 7, va . . . Ngwatwale mu kapetulu 4, vasi ya 7. Seveni yapwa nambala ya kukumisa. Seli ikiko nambala ya Kuyoya. Seveni yapwa nambala ya kukumisa, kaha echi cheji kuhana sambata.

“Kaha cheka,” anuka, ikiye ahanjikile, “Kalunga,” hali ou vakamangana. Kahajino ikiye ahanjikile ku “lushimbi,” hali echi vakamangana. Kaha jino, “Ikiye enyikile likumbi,” likumbi lyamuchitatu, lwola lwamuchitatu.

Cheka, ikiye akanyine likumbi limwe, likumbi limwe, kuhanjika muli Ndavichi, Likumbi lyelelo, mwomwomu mwahichile makumbi amavulu; . . . Likumbi lya lelo, mwahichile makumbi amavulu; nge omu vachambile ngwavo, Ku likumbi kachi nge namukevwa lizu lyenyi, kanda ukaluwisa muchima woveko. (Tala.)

. . . mwomwo kachi Yesu avanokesese (sambata), . . . kachi kumwaka weka hanyima kavulukile cheka likumbi lyekako.

Kwalumuka cha chisemunuino na Yesu Kulishitu: kufuma mujimbi na likoji, kufuma mumilimo nakwingila mulikoji, kufuma muchuma chimwe chize enu mweji kulinganga chumachimwe Kalunga alingile, hakuwaha chenu enu vavene mokomoko hakuwaha Chenyi. Chalumukile.

106 Omwo Mose ejile nakulovoka muze mupambo, na lushimbi, ikiye ambile ngwenyi, “Ove kawatela kulinga ujila ko. Ove kawatela kwiva. Ove kawatela kujihako. Lama likumbi lya sambata.” Omwo Yesu afumine mupambo... Omwo Mose ejile, uze liyavolo amwesekele. Hazevene liyavolo amwesekele, ikiye atetekelele kulichuma chimwe. Mose apwile hamwe hakuhehela. Vangahi vatachikijile omu chapwile? Kweseka. Kaha haze vene ikiye amwene vakiko kulifukula uze mwana ngombe, ikiye eji kumbila jishimbi na kuvahokola, kumilwekesa nge upilishitu nauya nakuhokoka. Kaha Kalunga avahanyine kuli ikiye cheka.

107 Oloze omwo Yesu alovekele mupambo, makumbi fwote akulitwamina kulya, Ikiye apwile nazala, hamwe kaha hakuhehela Ikiye apwile nacho. Kaha liyavolo kwiza kuli Ikiye kaha ngwenyi, “Kachi Ove u Mwana Kalunga, awa malolwa alumuke mu mbolo. Linga chikomwesa hano. Echa yami kumona Ove kulinga echi, kaha Nanguya nakufwelela Ove.”

108 Yesu ambile ngwenyi, “Echi vachisoneka, ‘Muthu keshi kayoyela ha mbolo kahako, oloze ha Lizu lyosena lize nalilovoka mukanwa ka Kalunga.’” Ikiye atachikijile nge ikiye kaliwana na Mose ko kuze, mwomwo Ikiye ayile ku Lizu.

109 Kumumbata Ikiye kusali zango, tembele, ngwenyi, “Kachi Ove wapwa Mwana Kalunga, mbila hamavu Ove lyavene.” Kaha *chifwiko*, chakuhona kuhanjika, oloze kufwika Chisoneka. Ngwenyi, “Echi vachisoneka, ‘Ikiye ahanyine Vangelo kuvafwetesa, kuvuluka, kuhambakana Ove pamo muhukana chimbundo Chove kulilolwa. Ikiye mwaya Nakukulama.’”

110 Kaha Yesu ayile vene ku Lizu, kaha amutenukilile ikiye.

111 Amumbachile Ikiye kupili na kumulwekesa Ikiye United States na Germany na Switzerland, kaha mafuchi osena a kaye, nakapwa, ambile ngwenyi, “Vakiko vali vosena vami. Nguli nakulinga navo kala chuma Ngwatondo.” Shikangaho etu tukwechi jijita na maukalu. Ambile ngwenyi, “Ngweji kulinganga navo...” Shikangaho mapwevo kuvwala... kaha kumbata nechi, ha lushimbi. Vakiko vosena vali nakukutwaminyina kuli liyavolo. Omu mukiko yahanjika Mbimbiliya. Satana ambile ngwenyi, “Vakiko vanapu vami. Ngweji kulinganga nawo mwosena omwo Ngwatondo kulinga.” Ambile ngwenyi, “Kachi Ove muya nakulifukula kuli yami, Nanguya nakukulingisa Ove kupwa mwangana nge Yami.”

112 Yesu ambile ngwenyi, “Echi vachisoneka, ‘Enu namukaya nakulifukula kuli Mwata Kalunga kenu, watela kuzachila.’ Fuma kuli Yami, Satana.”

Mwomwoika? Yesu atachikijile nge Ikiye mwaya nakuvakasa hamwe mu Likombakaji, omwo Wangana Wenyi naukeza. “Muchima wove unyenga nakulingika hano hamavu nge omu mulinakulinga Mwilu.” Kakweshi kukapwa kuvwala cheka jiputulako. Kakweshi kukapwa cheka kunwako chekako.

Kakweshi kukapwa cheka na lwisoko. Kakweshi kukapwa cheka ujlako. Kakweshi kukapwa cheka kufwa. Kakweshi kukapwa cheka ushonako. Ikiye aholokele nswana kulifuchi lyosena. Vakiko vanapu Venyi. Echi chakwoloka. Vakiko vanapu Ikiye, kaha Ikiye mwaya nakupwa swana. Oloze Satana apwile hatando yimwe, chize chinapu lelo, chize etu tuli nakuyoyelamo.

113 “Oloze Ikiye ahungile likumbi, kuhanjika, ‘Lelo, hanyima ya lwola lwalusuku.’ Kaha ambile ngwenyi, ‘Kanda kukaluwisa muchima woveko.’”

Mwomwo kachi Yesu mwaya na kuvahana vakiko kunoka, . . . ikiye keshi kavulukile likumbi lyekako.

114 Ndumbu walunga Adventist, tala hali Chize. Paulu hano, ambile ngwenyi. Kaha Paulu ambile ngwenyi, mu Ngalesha 1:8, kachi ove uli nakumbata visoneka, Ngalasha 1:8, “Kachi Kangelo kufuma Mwilu mweza na kunangula mujimbu weka kusali wa Ou Ngunambulula, echa apwenga wakwangula.” Paulu ambile ngwenyi, “Kachi Yesu navawahana vakiko likumbi lya Kunoka . . .”

115 Tala, omwo Ikiye ejile kusali ya pili. Ikiye ejile nakushikumuka jino. Ikiye apwile na kufungulula liyavolo. Ikiye apwile wakuwavisa, wakulizanga lyehi kumulimo Wenyi. Ikiye ambile ngwenyi, “Enu mwevwa lyehi ngwavo, vaze vakushikulu, ‘Ove kanda ukajihako,’ oloze Nangwamba ngwami ngana nge wose na pihilila na ndumbwenyi, chakuzeneka mulonga, namujihi lyehi. Mwevwa lyehi ngwavo, vaze vakushikulu,” likumbi lino, vakakulama sambata. “Enu mwevwa lyehi ngwavo, kunyima ya lwola lwa mwaka, mwishi ya lushimbi, ‘Ove kanda ukalinga ujila ko.’” Chachikalu kupwa muvilinga, kupwa samulonga. “Oloze Ngunahanjika kuli enu, nge wosena mwatala hali pwevo nakumuvwila lushiushiu nalingi nyeni ujila haze vene mukachi ka muchima wenyi.” Chihandwa! Kuhita hazevene halushimbi lwa muchiwana. Oloze kumana Ikiye avahanyine Kunoka?

116 Echa tumone omu ikiye ahanjikile. “Ndavichi ngwenyi, ‘Hanyima tuhu lwola lwalusuku, kuli nakuya nakupwa wakukupuka Kunoka.’” Kalunga anokesele kufuma mumilimo Yenyi, ha likumbi lya muchitanu nakavali. Kalunga akiswile likumbi lya sambata, kaha alihanyine kuli Vayuleya muze mupambo, hachuma kana. Vakiko vengilile . . .mwomwo ya kuzeneka kufwelela, mwomwo eli Lizu kavalifutwile na lufwelelo ko. “Kaha cheka, Ikiye emikile likumbi limwe, kuhanjika muli Ndavichi, ‘Hanyima ya lwola lwalusuku.’”

Myaka handulendi hanyima ya Ndavichi kufwa, uze Mwana Ndavichi mwakaya nakusanguka, ou napu Yesu, “Kaha kachi vakiko navakaya nakwivwa Lizu Lyami, kanda kukaluwisa michima yenu.” Kalunga alinakuya nakuhanjika kumuchima.

117 Jino tala, ha vasi 9 jino, kuli enu muli nakutanga. “Yesu mwaya nakuvahana vakiko kunoka,” vasi 8, “Ikiye mwaya... kuhanjika ha likumbi likwavo.”

118 Kachi kwapwilenga sambata, kachi kuze kwapwile vakakulama Chalumingo, jino Ikiye kachi achihanjikile. Kachi Ikiye ahanjikile, “Kakweshi chekako sambata, kakweshi kulama likumbi lya chitanu nakavali, chuma Ngwatondo enu kulama Chalumingo,” Ikiye kachi ahanjikile echi. Paulu ngwenyi Ikiye achilingile. Ikiye ahanjikile ngwenyi, “Enu vosena mweji kulifukula ku Sondo. Chize nachiya nakupwa kunoka.” Chamwaza, kachi Ikiye atondele vakiko kulama sambata, Ikiye kachi ambile ngwenyi, “Twama kaha na kulama likumbi lya muchitanu nakavali. Oloze jino Ngwatondo enu kulama Chalumingo, likumbi lya eyiti.” Nduma. Ikiye kahanjikile ngochoko.

119 Ikiye ambile ngwenyi, “Kachi Yesu mwaya nakuvahana likumbi, kachi Ikiye kahanjikile hali echiko?”

120 Jino vase 9. Pwenu vakulizanga.

Shikangaho kuli vathu ja Kalunga kuchinasale kunoka, vakakulama sambata kuli vathu ja Kalunga.

Mwomw ou nengila lyehi (Kulishitu) mukunoka chenyi, na ivene nawa nanoko lyehi kumilimo yenyi, nge omu Kalunga alingile kufuma muli ikiye, ha sambata.

121 Talenu echi? Jino echa tumbate Chisoneka chimwe na kukinduluka hano. Chosena chakwoloka. Omwo Kalunga atungile kaye mumakumbi sikisi, Ikiye azalile ha likumbi lya muchitanu nakavali, kaha kazata chekako. Kukisula chipwenga ku Lijina lya Mwata. Ikiye atungile kaye, kuhaka tengeso hali chize, kaha ayile cheka; kaha kakindulukile cheka, nakutunga kala kaye chekako. Ikiye akumishile milimo, kaha ayile nakunoka. Jino, ha...Kahajino, hanyima ya ize myaka sauzande, kahajino shili kwiza nakwingila; kahajino Kulishitu apwile wakwimanyinako, Mwana mukoko apwile wakwimanyinako. Jino, va Yuleya vavahanyine echi kupwa muyachi wa likumbi lya muchitanu nakavali Kunoka.

Jino, ikiye akanyine likumbi likwavo, kuhanjika muli Ndavichi, ... hanyima chikuma lwola lwalusuku, kuli nakwiza cheka.

122 Jino chuma muka echi Kunoka? Fukununenu hamwe na yami mu Mateu, kapetulu 11, kaha chihanda chamakumishilo cha kapetulu 11 wa Mukakujila Mateu. Muze mukiko Yesu akumishile kutangisa Chenyi haze hapili, kaha namuya nakumona chumamuka Ikiye ahanjikile.

123 Ikiye ambile ngwenyi, “Wosena mwatala hali pwevo, kumuvwila lushiushiu, nalingi lyehi ujila na ikiye mukachi ka muchima wenyi. Wosena mwapihilila na ndumbwenyi walunga,

chakuzeneka mulonga, najihi ndumbwenyi walunga.” Vyuma vyosena, kaha Ikiye kakwachile ha lushimbi lwamuchiwanako, lwa sambata ko.

¹²⁴ Jino Ikiye napu makumishilo. Kaha Sambata yapwa Lushiko lwalunene lwa Kalunga. Echi chili Kunoka. Jino, jino tala hano, omwo Ikiye ahetele kumakumishilo ashili. Hano Ikiye ngwenyi, vasi 27 ya kapetulu 11 wa Mukakujila Mateu. Kulihi, Ikiye apwilenga nakunangula cha vilinga mu kapetulu 5.

*Vyuma vyosena vananguhanevyo mumavoko ami,
kuli Tata: kaha naumwe pimbi amutachikiza Mwana,
kuvanga Ise, . . .*

Talenu, enu kamweshi kuhasa kutachikiza umwe chakuzeneka kutachikiza veka, mwomwo Ikiye apwilenga Tata kusoloka mumujimba.

*. . . chipwe kutachikiza kala muthu Tata, kuvangila
Mwana, . . .*

¹²⁵ Chasoloka nge vathu vanahase kumona Chize kaha jipamiko chiku. Punduvene. Kalunga keshi Vathuko vatathuko. Kachi Ikiye napu Tulunga vatatu, kahajino etu twapwa vaka makombelo. Umwe uli napu Kalunga? Vakiko vali, vosena vatatu, Kalunga umwe, naji ufwishi jitatu ja Kalunga youmwe. Ikiye apwilenga Tata, muchifwanyisa cha Shipilitu Wajila, muli ize Panda ya mulangi wa Kakahya muze mupambo. Ikiye apwilenga Mwana walunga, omwo Ikiye apwilenga na ufwishi ya Mwana. “Shimbu yayindende kaha kaye kakeshi kungumonako chekako; Nguli nakuya. Nanguya cheka na kupwa naenu, na muli enu, nakumakumishilo akano kaye.” Talenu? Ikiye napu Muutata, ou Muumwana, na Shipilitu Wajila, nawa. Echi chili chosena Kalunga youmwe kuzata muji ufwishi chitatu: Muutata, Muumwana, Shipilitu Wajila. Kanda . . .

Yowano Watete 5:7 ngwenyi, “Kuli vatatu vemanjinako unjiho Mwilu: Tata, Mwana, Shipilitu Wajila. Ava vatatu vali Umwe.”

¹²⁶ Tomasi ahanjikile kuli Ikiye, “Mwata, tulweke Tata.” Echi nachiya nakumusuwulwisa ikiye.

¹²⁷ Ikiye ambile ngwenyi, “Ngunapu chikuma na yenu, kaha Kamwangwijivako?” Ambile ngwenyi, “Nge enu Munagumono, enu munamono Tata. Kaha mwomwoika kuhanjika, ‘Tulweke etu Iso?’”

¹²⁸ Jino, va Waninesi vambachile chize, lizavu lya vathu vaka waninesi, kweseka kulingisa Tata, Mwana, na Shipilitu Wajila, ufwishi imwe kaha chihela chimwe, kaha nge munwe wove, umwe. Echi chakuhenga. Kalunga kahashileko. . . Yesu kachi kapwile Ise Yenji ko. Kachi Ikiye apwilenga, kahajino Ikiye apwilenga. . . Chamwaza, kachi Ikiye apwilenga Tata Yenji Lyavene?

¹²⁹ Kaha kachi Kalunga apwa muthu, kuhandunuka kufuma kuli Shipilitu Wajila, Ikiye apwile na va ise vavali. Mwomwo Mbimbiliya ngwayo, chize, “Uze Shipilitu Wajila amuuchile Maliya na ikiye nakwimita.” Kaha eyi Mbimbiliya ngwayo, mu Mateu 1:18, chize, “chize chuma nemita muli ikiye chinapu cha Shipilitu Wajila.” Kahajino hiya Ise yenyi, Shipilitu Wajila mokomoko Kalunga? Vosena, Shipilitu youmwe, mokomoko Ikiye apwilenga na mwana wakuzeneka ise ha mashipilitu avali.

Chize chinapu kunangula cha Katolika, kaha kachapwanga kunangula cha Mbimbiliya ko. Martin Luther achinehele, na Chikatolika echi chili muliuka lya Luteleni. Wesley kukavangiza na echi. Kaha echi chili lika nakuya lika, oloze echi chili kuseuka. Echi kacheshi Muchano ko. Kanda lyehi chipwenga ngocho, kanda lyehi lipwenga Kunangula cha Mbimbiliya. Kanda lyehi chipwenga lushimbi mu Mbimbiliya, kunangula Tulunga vatatu.

Kuli Kalunga umwe. Yesu ngwenyi, “Iwvulilenu, Ove Isalele, Yami ngu Mwata Kalunga kove, Kalunga umwe,” keshi Tulunga vatatu ko.

¹³⁰ Mu Africa, vakiko veji kujimikanga kamwe ka Tata, kamwe ka Mwana, kaha kamwe ka Shipilitu Wajila. Kaha jino uze ka Yuleya kwiza nakujinguluka, ngwenyi, “Umwe ulihi Kalunga kenu? Umwe ulihi, Tata, Mwana, mokomoko Shipilitu Wajila?” Vakiko vali, vosena vatatu, Umwe. Eyi Mbimbiliya ngwayo vakiko vapwile Umwe.

¹³¹ Yesu apwilenga kuzuvo ize Kalunga ayoyele. Eyi Mbimbiliya yahanjika ngachize—mu, Chimoteu Wakulivanga 3:16, “Chakuzeneka *jipami*,” (chize chili, “*jipami*”) “mangana akumukomoka kalunga anatoho chikuma. Mwomwo Kalunga alisolwele mumujimba, vamumwene kuli Vangelo, kumutambula...kumunangula, vamufwelelele, na kumutambula mu Upahu.” Kalunga mukiko apwile. Eyi Mbimbiliya ngwayo, “Lijina Lyenyi navakamuvuluka kupwa *Emanuwele*, kulumbununa, ‘Kalunga nayetu.’” Eyi Mbimbiliya ngwayo, ngana, “Yesu, muli Ikiye mwatwama kuzalilila cha Ukalunga mumujimba.”

¹³² Nge omu twapwanga na ufuku ukwavo: Kalunga, kukuputuka, apwile Shipilitu. Kaha jino, kufuma kuli Kalunga, kuya ku Logos, mokomoko mujimba wamushipilitu, uze apwilenga muchifwanyisa cha muthu, kumuvuluka kupwa Mwana Kalunga, mumuvwimbimbi. Ikiye ejile hano hamavu, mumujimba wa nyama, numba shimbu kanda Ikiye ezenga muli Yesu Kulishitu. Jino mina uze umwe, ndumbu walunga. Nanguya nakwinjikiza kuli ove.

¹³³ Omwo—omwo Mose amumwene Ikiye. Ikiye ambile ngwenyi, “Echa ngumone chifwanyisa Chove, Mwata.” Kaha Kalunga amuswekele muli lolwa. Kaha omwo Ikiye ahichile, ikiye

ngwenyi, “Chize chapwile kukinduluka cha muthu.” Uze wapwile mujimba waushipilitu. Muze mukiko vene.

Jino, uze Mujimba waushipilitu watelele kupwa mumujimba wa nyama. Keshi Muthu wekako, oloze Muthu youmwe ejile na kwiza nakupwa musonyi, kumbata mumunyi kufuma mukufwa.

Nge puka omwo mwatuva, mwaseza mumunyi. Kaha ikiye kasele chize...Ikiye nahase kuhaka mumunyi mumujimba wanyama mwomwo ya shili. Oloze, ndumbu walunga, omwo ikiye atuvile munyama ya Emanuwele, ajimbalishile mumunyi. Eyo, mwane. Ikiye nahase kuyinga oloze ikiye keshi na mumunyiko cheka.

¹³⁴ Shikangaho, Paulu, omwo vakiko navaya nakuvatula mutwe wenyi, ngwenyi, “Ove kufwa, mumunyi wove ulihi? Ove unahase kunyinga na kujinga nge omu unatondeka. Lifuka, kuhasa chove chilikulihi? Oloze kusakwilila kuli Kalunga ou eji kutuhananga kuhasa kuhichila muli Yesu Kulishitu.” Yenu haze vene.

Chalingishile Kalunga Lyavene kulinga chize. Ikiye ejile kaha apwilenga nakusoloka mumujimba wanyama. Ikiye akindulukile mu Shipilitu.

¹³⁵ Ove ngwove, “Ndumbu walunga Branham, ove kanda lyehi utulweke etu, oloze, omwo Kalunga vamulingishile kupwa wamusonyi shimbu kanda Ikiye ezenga muli Kulishitu.”

Omwo Apalahama atwamine mwishi ya mbalaka, likumbi limwe, kuze kwejile Vangelo vavali na Kalunga, kutambuka kuli ikiye, mumujimba wanyama, Vakiko vapwilenga na lukungu kuuvwalo Wavo kaha vanazenyeye, kaha Vakiko vatwamine hamavu. Kaha Apalahama alovokele kaha ambachile mwana ngombe kufuma kuli ngombe, kaha nakumujiha. Kaha nakutunga misosolo ya mwana mukoko. Alovokele na kupwa... amulwekele na Sala kumbata unga wamanona na kuunyunga kanawa, kaha kutunga jimbolo. Kaha kumbata mateka kufuma kuli ngombe wachipwevo, kaha kufumisako mavele. Kaha kutwala kuze vatwamine, kaha Kalunga alile.

¹³⁶ Haleluya! Ou ukiko mulonga, “Lufwelelo lwami lwatale kuli Ove, Ove Mukoko wa Kukavali.”

¹³⁷ Enu munashinganyeka nge chinapu chuma chachinene cha Kalunga? Kalunga, Uze atungile ndambo na unga wavifuwa, na vyuma vyosena mukaye, Ikiye ejile nakutambukila Apalahama. Ikiye ambile ngwenyi, “Ove unashinganyeka nge Nanguya nakulama kufuma kuli enu, kumona nge ove unapu swana wa kaye?” Amena. “Kangweshi kuhasa kuhona kumilwekachako.” Kalunga akwechi...

¹³⁸ Etu vanatutunga kufuma kuvyuma vya sikisiteni. Ikiye ambachile kaha ndambo na unga wavifuwa, kupwa na maji amwe, nakumunyika chimwe, “Hee!” “Fuma muli chize, Gabriel,” mujimba!

139 “Hee!” “Tambo muli chize, Kulizakamina.” Ikiye engilile.

Vangelo Vavali, kufuma Mwilu!

140 Kalunga olwele na livoko lyenyi, “Hee,” ngwengilile muli, Lyavene. Kwiza nakushikumuka, kaha apwile nazala. Kukisula... Ngachilihi chize, Adventist vandumbwami vaze vayile nakulya? Etu tuli nakuya muli chize hayima chindende. Kalunga Waundume, Yehova, kuwana kachi Lijina lyolimwe kavalilumbunuine Mwomumwe kuze kuchiputa chakakahya! Haleluya!

Kaha omwo Ikiye emanyine hamavu, Ikiye ambile ngwenyi, “Shimbu kanda Apalahama apwenga, NGWAPWA, uze Youmwe muchiputa chakakahya.” Echi chakwoloka, Elohim, talenu kachi echi kacheshi youmweko. Ikiye apwilenga uze Umwe apwilenga ku chiputa chakakahya.

141 Ikiye apwile Umwe hano kumeso a Apalahama, mumujimba wa nyama, uze kulya vangombe, kaha anwine mavele kufuma kungombe, kaha kulya mateka ajimbolo. Kukisula ku Lijina lya Kalunga Wajila! Kutambuka kuze kaha ambile ngwenyi, “Kangweshi kumisezako...”

Kaha Ikiye akindulukile kunyima. Ikiye ambile ngwenyi, “Apalahama, Nanguya nakukutambukila, kaha ove muya nakusema mwana. Ove uli na myaka handulendi yakusemuka jino, kaha Sala na nayite.” Kaha Sala, muze mumbalaka, ayile, “Haa!” kuseha. Ikiye ambile ngwenyi, “Chuma muka chamulingishile Sala kuseha?” Kunyima Yenye; mbalaka mukachi kavo.

142 Apalahama ambile ngwenyi, “Sala, ove wasehanga?”

143 “Nduma, Kangwalingilemoko.”

144 Ambile ngwenyi, “Eyo, walingangamo.” Kutahisa kana chapwile ngachilihi? Kutanga kana vishinganyeka chapwile ngachilihi?

Ikiye eji kulinganga mwomumwe na lelo. Ikiye apwa Yehova yile, Yehova lafwa, youmwe zau, lelo, na hayamyaka. Ikiye keshi kuhonako.

145 Tala hali Ikiye. Haze Ikiye nemana. Kutambuka nakulovoka na kuhanjika kuli Apalahama; na kujimbala, kumeso eyi. Kaha uze kakuluka Apalahama ambile ngwenyi ikiye “ahanjikile meso na meso na Kalunga, Elohim,” uze Kalunga youmwe. Mbatenu echi? Keshi vathu vatatuko, ndumbu walunga. Jiufwishi jitatu ja Muthu youmwe!

146 Kukuputuka kwapwilenga youmwe, Ikiye apwilenga uze Shipilitu wamunene, Kaselwoke kuze kwatwama muchano, zangi yosena, kuunda chosena. Vyuma vyosena vyapwile vyalumukile kupwa Kaselwoke. Chaputukile chifwanyisa cha mujimba, mujimba wamushipilitu, muyachi wamujimba uze etu

tweji kuyangako. Keshi mujimba waupahuko, oloze mujimba wa kangelo, nge; chifwanyisa.

147 Lwola lwosena Ngweji kumonanga mutondo, Ngwashinganyeka, “Uze mutondo unapu wakulimanyina. Kuli kaha wakukunyuka kumwe.” Uze mutondo vautungile kufuma kuchuma chimwe. Mangana amwe alingikile. Kaha mavu osena kusolola vya Mwilu. Eyi Mbimbiliya yahanjika ngocho. Kaha kachi kuli mutondo hano uze watela nakunonga, kuli umwe mu Upahu uze kaweshi nakunongako.

148 Kachi Nangumona lunga, Ngwamono mukweze walunga wakuzanga chindende, lunga na pwevo lyenyi, kutambuka nakuya mujila, vakakulizanga hamwe, chumamuka cheji kuselokanga? Kukisula chipwenga ku Lijina Iya Mwata! Kuli umwe Mwilu uze kaweshi kukanongako. “Kachi eyi mbalaka yamavu nayiyengunuka, etu tukwechi yimwe yinavandamina,” uze mujimba washipilitu.

149 Kahajino enu mukwechi tulunga vatatu: Shipilitu wamunene, kutwama muli Mwana, Yesu; Yesu mwatwama Liuka. “Ha likumbi lize, enu namukaya nakutachikiza nge Nguli muli Tata, Tata muli Yami, kaha Nguli muli enu.” [Hatepu hapimbi—Muka.] Vyosena vize Kalunga apwilenga, Ikiye alimwangile muli Yesu; vyosena Yesu apwilenga, Ikiye ali nakuhingunuka mu Liuka. Yenu haze. “Nguli muli Tata, Tata muli Yami; Nguli muli enu, kaha enu muli Yami.” Kuli—kuli Mujimba.

150 Ou ukiko ukalu na liuka. Vakiko vanavanangula kuwaha chachindende, kupwa, kunangula chaupwevo lwola lumwe, kulaha nakujinguluka nakupwa na viwanyino vya kulya chamisoji chachingoloshi. Shikangaho etu tukwechi lizavu lyamokomoko eli tukwechi. Etu katweshi nakutondeka kwala cha vanyikeko na kulya chachingoloshi cha misoji. Chuma etu tunatondo shina Mujimbu wamwaza wakufwakuluka, na malunga va lufwelelo na poko yamukwale yakusukama kuze, kaha kuhonesa. Chuma etu tunatondo lelo, keshi kutangisa chauthu chamwaza na chinyingi chimwe cha kufuma kukutunga chauthu. Etu twatondo Mujimbu wamwaza wamwaka kunangula mu Kumunyika na Mungolo na kusoloka cha Shipilitu Wajila.

151 Talisenu hano jino.

Nge muze ahanjikile, *ikiye* ahakileko likumbi *likwavo*, *himwamba muli Nдавichi*, . . .

. . . *kachi* Yesu avahanyine *avanokesele lyehi*, . . . *kachi kumwaka weka*. . . *kavulukile cheka likumbi likwavo lyekako*.

Oloze kuli *vathu*. . . *ja Kalunga kuchinasale kunoka cha sambata*.

*Mwomwo ou nengila lyehi mukunoka chenye, . . .
naivene nawa nanoko lyehi kumilimo yenye, nganomu
anokele Kalunga kumilimo yenye.*

152 Jino kuze etu natuya nakutanga? Matewu, twende- . . .
Kapetulu 11, vasi 27.

*Vyuma vyosena vananguhanevyo kuli Tata,
vavanguhanevyo kuli Tata, kaha: kaha naumwe
pimbi amutachikiza Mwana, kuvanga Ise; (Chosena
chakwoloka.) chipwe Ise nawa naumwe pimbi
amutachikiza, kuvangila Mwanenye kaha, naweshowo
nawa navazanga kumusolwelayo kuli Mwanenye.*

153 Talenu, kacheshi kangahi naulinangula, kangahi uze—uze
mbishopu natondo ove kutachikiza. Echi chinapu kangahi
Kalunga natondo ove kutachikiza. Kachi enu kamweshi kuhasa
kumona echi Kusoloka ko, kanda kuhula mbishopu ko. Hula
Kalunga. Kanda kuhula pashita yove ko. Hula Kalunga. “Uze
Mwana mwamusolwela Ikiye,” *Ikiye*, kuvuluka muthu ivene.

154 Ivwulilenu. Echi nachiya nakumikomwesa. Hano hakiko hali
jishimbi. Paulu ambile ngwenye, “Kachi Ikiye mwaya nakupwa
likumbi likwavo, Ikiye kachi ahanjikile hali echiko.” Oloze hano
hakiko Ikiye ahanjikile.

*Twayenu kuli yami, enu muvosena muli nakukilikita
nakumbata vyavilemu, kaha Nanguminokesa sambata,
kunoka.*

*Litwikenu toka yami hali enu, linangulenunga kuli
yami; mwomwo ngumuvwovu ngumukakulinyisa mu
muchima: kaha enu namumona kunoka kumyono yenu.*

*Mwomwo toka yami yayashi, kaha chiteli chami nawa
chachihehu.*

155 Tala omwo Paulu ahanjikile.

*. . . kachi Yesu avanokesele lyehi nakuvahana
kunoka, . . . ikiye kachi kumwaka weka kavulukile
cheka likumbi likwavoko.*

*Oloze ikiye nahakeko lyeka . . . likumbi, ahanjikile
muli Ndavichi, . . . mwahichile makumbi amavulu; . . .
kachi nge namwivwa lizu lyenyi, kanda kukaluwisa
michimayenuko.*

“Kaha kuchinasale . . .” Ivwulilenu jino, vasi 9.

*Shikaho kuli vathu ja Kalunga, kuli sambata,
kuchinasale kunoka chasambata.*

*Mwomwoou, lunga mokomoko pwevo, uze kaha
nengile mu kunoka . . .*

“Twaya kuli Yami, enu vosena muli nakukilikita kaha
munalemuwa, Nanguya nakumihana kunoka.”

...ali *naivene nawa...kumilimo yenyi, ngemuze Kalungaanokele kumilimo yenyi.*

156 Ove unahase pamo kupwa n myaka twende yakusemuka. Ove unahase pamo kupwa na myaka seti yakusemuka. Ove unahase pamo kupwa na myaka fifite yakusemuka. Oloze munyutu kaha nauya nakwivwa Lizu Iya Kalunga kungongomweza ku muchima wove, kanda kukaluwisa muchimako. Kahajino kwingila...“Wosena mwevwa Lizu Lyami, na kufwelela hali Uze angutumine Yami, ali na Kuyoya cha hayamyaka, kaha keshi kukeza mukupaisa ko oloze nahichi lyehi mukufwa nakwingila mu Kuyoya.”

157 “Kuhanjika, Ndumbu walunga Branham, chuma muka nachisoloka?” Ove mbata Shipilitu Wajila. Kulishitu mweza muli ove. Echi chakwoloka?

158 Fukununenu hamwe na yami mu Isaya, kapetulu 28, kaha echa tutange. Isaya, kapetulu 28, talenu omu ahanjikile kapolofweto hali echi. Matewu... 28, kuputukila ha vasi 8. Hano hakiko hali ponde yayinene wa makumbi akumakumishilo. Etu twatela kusoka mu munyutu kaha.

Mwomwo jimesa josena jili nakuya, jakuzala na... kakweshi numba chihela chitomako.

159 Echa ngwimeneko munyutu. Nge Ernie ahanjikanga ufuku ukwavo, ikiye apwile nakuhanjika kulimuthuumwe. Ernie Fandler, uze ndumbu walunga hano kufuma ku Switzerland, ikiye ambile ngwenyi, “Ngwemanyine nakwecha vingile.”

160 Ngwatondo echi kwingila.

...*kakweshi numba chihela chitomako.*

Mwomwo eji jimesa josena najiza jakuzala navisazo...

Kaha nge *kawa* mwaya ku *visazo...kaha nge ngulu...wachipwevo* kuulova, shikaho mukiko vathu veji kukindulukanga kunyima.

161 Ukalu ulihalih na enu va Mesondisiti? Enu mwapwilenga na Kumunyika. Chuma muka chasolokele? Kalunga achimbachile Chize kufumisa mulivoko lyove, Ikiye Achihanyine kuli va Nazalene.

Chapwile ngachilihi kuli enu va Nazaleni? Enu lwola lumwe mwapwilenga na Kumunyika. Kalunga achifumishile Echi kufumisa mumavoko enu na kuhana Echi kuli va Pendekosita. Chakwoloka. Enu va church of God na enu vathu vosena vaka holiness, mwomwo enu mwakanyine Kumunyika, enu mulikungulwile enu vavene kaha kuhanjika ngwenu, “Etu katweshi kuhasa kufwelela mwekako kuhambakana *echi*,” Kalunga atambukile nakulovoka na kukulwekesa ove Ikiye apwile na vathu vase vanahase kumukavangiza Ikiye.

162 Chumamuka ngachilihi kuli enu va Pendekosita? Enu mwapwile na Kumunyika. Kalunga achimbachile Echi nakumifumisa muli enu.

Eyi Panda ya mulangi Wakakahya kutambuka nakuya. Lwola lwosena eyi Panda ya Kakahya kutambuka, eli Liuka kutambuka na Echi.

Kaha omwo Luther alivwasanyine, kulovoka cha liuka lya Katolika, liuka lyenyi ivene, eyi Panda ya mulangi wa Kakahya kutambuka na Wesley ayile Nenyi.

Wesley alivwasanyine kaha nakutunga chikungulwilo, kaha Panda ya mulangi Wakakahya kutambuka kaha va Nazalene vayile na Echi.

Aze Nazalene kulivwasana, kaha ize church of God yayile hamwe na Chize; kaha ambile ngwenyi vakiko kavapwile na chikungulwiloko, oloze vakiko vapwile.

163 Kahajino chasolokele ngachilihi? Chuma chakushisaho, cha Pendekosita vamwene Kakahya, kaha vakiko vayile. Kaha chumamuka ove walingile? Kutunga kunangula kufuma mumalimi, kaha kulivwasana echi, “Kalamuthu atela kuhanjika mumalimi shimbu kanda vakiko vatambule Shipilitu Wajila,” jino Kalunga avafumine na kuseza kala kwosena okwo uli.

164 Chasolokele ngachilihi kuli enu va Waninesi? Enu namuwana lujimiko, Lijina lya Yesu. Enu mwatungile kunangula kufuma muli chize, kaha kulihandununa kufuma Kuvyosena, kaha Kalunga afumine kuze na kumiseza kuze. Chakwoloka.

165 Chumamuka chapwile na enu va Assembly of God, Kasulu Yamwaka? Enu mwatunga lizavu kufuma mulyenu, kaha Kalunga hazevene amisele. Kaha jino ove kaweshi chumako shina kututa, lizavu lya chisemwa nge vosena vapwa.

Kaha Panda ya mulangi wa Kakahya kutambuka nakuya. Haleluya!

. . . jimesa josena jili jakuzala navisazo . . .

166 Tala ha kulya cha Mwata cha Chingoloshi. Mwomwoika, vakiko nava. . . Ngwapwile ha chihela vakiko valile mbolo ya mwaka. Kaha ize mbolo yatelele kupwa yakutunga na chakuzeneka chimbalwila. Kaha vakiko vayihanyine kuli vakashili, vakakunwa makanya, mahule, mahule vavanene, chikalo kaha majina avo ali mumukanda.

167 Kaha enu va Mbaputishiti mweji kuchivuluka kupwa “closed” kulikata. Jino, enu makololo vamu Mbaputishiti vavandende, Kalunga mwaya nakufumisa mbinga yenu. Echi chili vene chakwoloka, enu kamweshi kuhasa kupwa vakutela kuli echiko. “Closed” kulikata, enu lihandununenuko, chasoloka kupwa nge chakujila chikuma kuhambakana chilinga.

Anuka, eyi yinapu mbalaka ya Mbatutishiti. Chize chikiko mukwechi, enu livwasanenu enu vavene. “Mamalelo,” enu ngwenu, “etu katweshi lizavu lya kulivwasanako.” Eyo, enu muli. Punduvene, mukiko muli. Ove ngwove, “Etu tuli mukulikata.” Yaah, kuli kala muthu mweza muli chize chikolo na kunangula mujila kana enu mwafwelela echi, chili chakwoloka. Oloze, umwe, enu—enu kamweshi kumumbila kuweluka, oloze enu namuya nakumuhanga kumufumisa muundumbu. Echi chili vene chakwoloka. Mamalelo, enu mukwechi jila mwakulingila. Shikaho Kalunga atwama na jila mwakulingila. Oloze Liuka lya Kalunga nalitambuka nakutwalilaho. Eyi Panda ya mulangi Wakakahya keshi kwimana kuchizeko.

. . . *jimesa josena jili jakuzala navisazo . . .*

168 Jino ivwililenu. Jino echi kuya nakumikomwesa ha munyutu kaha. Ivwililenu. Nanguya nakutanga Lizu. Hiya ou? Uze kapolofweto, Isaya.

. . . *jimesa josena jakuzala na visazo . . . shikaho kuze kakweshi* chumanachimweko *chitoma*, kupwa kaha nge kawa kulya kawa.

169 Kwiza kuliuka: mapwevo vakuteula jikambu, kuteula jikambu javo, kuvwala jiputula, kulovoka na kumona malunga kwiza nakushikumuka mujila; jisenge muchipango, vanyike vamaapwevo vatondele kwivwa muthuumwe kuhana uze chikomba cha kawa mokomoko chikuji, kalamwosena chili, munatachikiza, “Hwe-hwe!” Mamalelo, enu mwashinganyeka nge enu mwakwachiwa, keshi ngochoko?

170 Kaha enu malunga kutambuka nakuya mujila, na likanya mukanwa kove, kaha mukakuzata muliuka. Enu muli nakusoloka nge ngombe wakahundu wamu Texas. Kaha jino namushinganyeka nge muthumwe. Chize chili vene chakwoloka. Shikangaho jimesa josena. . . Kutambuka nakuya nakupwa mukuli kulikata, na kulinga nge ove unapu muthuumwe, kaha kwonga nakwivwa na kwambulula makuli, kuhita mulungu wosena. Ukalu uli halihi na enu?

. . . *jimesa josena jili jakuzala navizo . . .*

171 “Mamalelo, Nangumbata kulya cha Mwata cha Chingoloshi. Pundu, etu tweji kuchilinga muliuka lyetu. Yesu ngwenyi Ikiye mwakaya nakutusangula mumakumbi akumakumishilo kachi etu natumbata kulya cha Mwata cha Chingoloshi.”

172 Oloze, “Ikiye uze mwalya na kunwa chakuzeneka kutela, mwalya na kunwa nakulikokela kupaya kuli lyavene, keshi nakutumbununa Mujimba wa Mwata. Mwomwo ya echi vavavulu vanapu vakuviza na kuzeya mukachi kenu, kaha vavavulu vanafu,” kushinakaji, kufwa, mauka asalusalu. Ize Shipilitu ya Kalunga yinanyi nakufuma muli enu. Ize Panda ya mulangi wa Kakahya kayeshimoko chekako. Ove kukana kuka cha Ukalunga. Ove kukana kusanguka.

173 “Mamalelo,” enu ngwenu, “mamalelo, Ikiye asangukile kufuma mukufwa, na kupwa mukenya.” Chamwaza, ngachilihi Ikiye kupwa youmwe lelo, kachi Ikiye asangukile kufuma kuvafu? Enu ngwenu, “Mamalelo, chize kacheshi ngochoko.” Jino, yenu haze vene. Ove uli na kusanguka mujila ove unatondo, kaha Kalunga atwama nacho mujila Ikiye atondele chize.

174 Oloze, chuma chivene chili, eyi Mbimbiliya ngwayo, etu tunatachikiza nge Muchano, nge Ikiye mwakaya nakwinjikiza eli Lizu. “Kaha vyuma evi Nanguya nakulinga mwomumwe. Kaha Nanguya nakupwa naenu lwola lwosena, kumakumishilo akaye.” “Yesu Kulishitu youmwe zau, lelo, na hayamyaka.” Omu mukiko Lizu linahanjika.

175 Jino sambata chumamuka?

...jimesa josena jili na visazo...kakweshi kumwe kwamwazako.

Veya mwanangula chinyingi?

Keshi chinyingi cha kayeko; chinyingi chakushipilitu!

Veya mwanangula chinyingi?...mwahana vey kumonomu...alumbunukila mazu awa vanevu?

176 “Mamalelo, kisula kuli Kalunga, lizavu lyetu kavafwelela Echiko. Vakiko kavahashile kuhaka hamwe na Chizeko.” ... zakamina lizavu lyenu lya vakakufwelela. Chuma muka Lizu lya Kalunga kuhanjika hali echi? “Mamalelo, chamwaza, mapashita jetu, munatachikiza, vanapu vakakutanga.” Mamalelo, pundu. Punduvane, mukwechi kutanga chachivulu, vakiko vasele Kalunga kufuma muli chize. Muchano vene, mwomwo enu munahase kovalweka vakiko eli Lizu kaha vakiko navaya nakutambuka na kuhanjika, “Chamwaza, Kangwafwelela Echi mujila kanako.” Mamalelo, enu munahashiwa! Echa ngumilweke.

177 Tala hano.

...veya mwahana kumonomu...kutachikiza mazu awa vanevu? awa vanasumuna kumavele, kaha...awa vanasumuna kumavele, kaha vanavafumisa kujinyeso.

178 Likumbi likwavo, umwe ngwalihata nenyi ejile. Ikiye ambile ngwenyi, “Billy, pashita umwe hano mumbongi, umwe wamundende muthu wakuzanga enu mwamona lyehi...” Ambile ngwenyi, “Pwevo lyami na Yami twapwile tunatwame na uvwalo wakusavala nawo, pamo mukachi kaufuku, kaha uze pashita wamundende engilile kaha ikiye—ikiye—ikiye anuine hamwe nayetu coffee kaha ikiye atwalile yimwe kuli uze alihata nenyi zuvo, kaha valimenekele mumavoko. Vakiko vapwile nakuhema makati, kaha ikiye atwamine hamavu nakuhema makati navakiko.” Ambile ngwenyi, “Mamalelo, ikiye apwile mukweze walunga wamundende enu mwamona lyehi.” Ambile

ngwenyi, “Mamalelo, etu twamuzanga ikiye. Etu katweshi kuhasa kumufumisa muli ikiyeko.”

179 Ngunemana kuze chindende kaha, Ngwashinganyekele, “Chamwaza?”

180 Ambile ngwenyi, “Mamalelo, kanda enu mushinganyeka nge kala liuka linatondeka shina muthu nge ngachize?” Huu! Kangweshi kuhasa kukumbulula chizeko. Ikiye ambile ngwenyi, “Muchihela chikwavo chachindende,” ambile ngwenyi, “vakiko vapwile na chihela chamwaza. Uze mukakuzata na pwevo lyenyi, vathu vamwaza, ayile na kuzata na vana vavo chikuma palanga vakiko vapwile na—na shikola ya Mbimbiliya.” Kaha ambile ngwenyi, “Vakiko vapwile naji jajivulu, kupwa nakuzalisa chumakana na vana vavandende.” Ambile ngwenyi, “Yami, ikiye nahase kwambulula mujimbu wosena wamundende kuli vana vavandende.”

181 Ngwambile ngwami, “Chize chamwaza. Chize chapwile kanawa.”

182 Ngwayile cheka kunyima. Nguneza nakufuma mu Canada. Ngwashinganyekele, “Yami Nguli hano. Mamalelo! Vathu... Ukalu ulihalihali na yami? Kangweshi kulinga chizeko.” Ngwayile nakukosa motoka yami. Ngwashinganyekele, “Kalunga, Nguli nakukula muthu wamwaka, kaha hano Yami uno. Ngunazungu. Ngunalili. Ngunalebelela. Kaha kalachuma Nangupwa nachuma chachinene chakusaula.”

183 Kala chuma, echa muthuumwe kuhanjika chumachimwe chachipi hali ove, “Mamalelo, uze mukakujila wakulyalanga,” chumachimwe nge ngachize.

184 Ngwashinganyekele hali chize. Kaha Lizu lyejile kuli yami, ngwalyo, “Ava malunga vali vakwoloka kachi vakiko vali nakulinga chize, oloze Kangwakusanyikile ove kulinga ngachizeko. Ngwakusanyikile ove kumbata Poko yauvela kuvali na kwimana kuze nge Yoshiwa na kuhasa, ndumbu walunga. Keshi kuneha uleya na jize jingalila jamwaka mokomoko na lizavu liuka limwe, oloze kuhonesa liyavolo. Kwimana kulutwe, kulingisa kwoloka kupwa chakwoloka, kaha chakuhenga kupwa chakuhenga. Kunangula eli Lizu na kuwana hiya akwechi lufwelelo kufwelela Echi. Muhake ikiye haze.”

185 Ngwatela kulahisa mumotoka eyi, lwola lwosena, kukosa. Ngwambile ngwami, “Ngwasakwilila, ove Mwata. Ngwasakwilila, Mwata.” Ngwevwile kuwaha jino. “Echi chili chosena chakwoloka, Mwata, Nanguya nakumukwata chindende, kaha Ngwatondo kufwa na Echi mulivoko lyami.”

...veya *mwahana* kutachikiza *kumonomu*
alumbunukila? (Ivwililenu.)

...*jimesa jili jakuzala nasazo*...

...ava vanasumuna kumavele, kaha vanafumisa kujinyeso.

Jino Tala.

Mwomwo mwalinga nge omu lushimbi—ha lushimbi, lushimbi halushimbi;...lungoji lwakwesekela; lungoji lwakwesekela halungoji lwakwesekela, oho hahandende oho hahandende:

Mwomwo mwakahanjika kuli vathu ava muli vathu vamivumbo na malimi eka Yakuwoya nalilimi lyeka.

Ava ambile echi chili ngwenyi, Chechi vene sambata muze enu namukaya munokesenu ou nazeye;... echi chinapu hakuwimina: cheshi vene kuhwimina oloze vakanyine kwivwa.

Mwomwo lizu lya MWATA lyejile kuli vakiko (Muthu umwe anangwile Echi.) lushimbi halushimbi,... ha lushimbi; lungoji lwakwesekela,...lungoji lwakwesekela; oho hahandende, kaha oho hahandende; mangana vayenga valimbojokele kunyima vahokojokele, vafwafwe mumiheto vavakwatekwate.

¹⁸⁶ Kunoka chapwa Chumamuka? Kaha Kunoka chejile lwola muka? Omwo vathu vahanjikile malimi eka naeka omu vapwile namivumbo yakukukuma. Mivumbo yakukukuma; vakiko kavahanjikile chumako. Vakiko vakukumine. Lwola muka chize chasolokele? Ha Likumbi lya Pendekosita, omwo Shipilitu Wajila ejile. Chize chikiko Kunoka: uze Shipilitu Wajila. Yesu ambile ngwenyi, “Twaya kuli Yami, enu vosena munazeye kaha vakulemuwa, kaha Nanguya nakumihana Kunoka. Nanguya nakumihana Kuyoya, Kuyoya cha Hayamyaka,” *Kuyoya wakuzeneka kuputuka*, Kuyoya cha Kalunga livene. Kalunga mwaya nakwiza muli enu na kupwa chihanda cha enu. Ikiye mwaya nakumihana enu kusemuka na kumilingisa kupwa mwana walunga na wapwevo.

¹⁸⁷ Jino Tala. Chize chapwilenga kunoka chamuchitatu Ikiye ahanyine. Chatete: Kalunga atambwile, kufuma kumulimo Wenyi. Wamuchivali: Isalele vatambwile echi, mu jishimbi. Chitatu: Liuka lyatambwile Echi, nge chihanda cha Kalunga.

¹⁸⁸ Seli ikiko nambala ya kuyoya. Vangahi vatachikiza echi? Lwola lwosena enu mwamono vatatu, lunapu kuyoya. Talisenu, omwo Kalunga atangile mavu, ha likumbi lya muchitatu lyapwile kuyoya. Vangahi vatachikiza echi? Lize likumbi lya muchitatu. Kwejile kuyoya ha likumbi lyamuchitatu ya tengeso.

Chize chatulunga vatatu: Tata apwile helu lya vathu, mu Panda ya mulangi Kakahya; uze Mwana apwilenga Muthu, Uze ahanjikile kuli vathu na kupwa vakulizanga wakulizanga; uze Shipilitu Wajila apwilenga tambo yamuchitatu, ize yapwilenga Shipilitu Wajila, Kalunga muli vathu. Kuyoya! Tata, Mwana . . .

Kunoka, cha Kalunga; kunoka, cha Isalele; kaha Kunoka, cha Liuka, kuli vakakulama sambata.

189 Shikaho, kachi enu kanda lyehi vatambule Shipilitu Wajila, oloze, enu kanda lyehi mwingile mu Kunoka cha Kalunga. Ove kawatela kuhanjika, “Mamalelo, Kangweshi kuhasako. Ngwatondo kunwa makanya. Ngwa—Kangweshi kuhasa kuchilingako; Yami ngumuka Kulishitu. Muchano vene kangwatondele kunwako, oloze Ngunapu Mukakulishitu. Kangweshi kaha nakutonda kunwa, olozenyi Ngwasaka chize.”

190 Kachi enu naupwa nalushiushiu hali pwevo, kachi enu namulinga vyuma vyakuzeneka kumukomoka kalunga, kaha enu kanda muhete mutando ya Kunoka. Enu kanda lyehi mwingile mu Kunoka.

191 Kaha omwo enu namwingila muli echi Kunoka, enu namwecha kumilimo yenu yamukaye, nge muze Kalunga alingile ku Yenya. Mwomwoika? Ove unapu chihanda cha Kalunga. Ove munoka, Hayamyaka. Yenu haze vene. Ize ikiko Sambata. “Twayenu kuli Yami, enu vosena muli nakuzata.”

Lelo, *ikiye akanyine likumbi limwe, . . . hanyima ya lwola lwalusuku*, muli Ndavichi; . . . omwo enu *namwivwa lizu lyenyi, kanda kukaluwisa michima yenuko*.

192 Lizu kaha mokomoko avali hano jino, etu natuya nakusoka.

Mwomwo wosena uze engilile mu kunoka cha Kulishitu, . . .

Twayenu kuli yami, vosena enu mweji kukilikitanga kaha . . . mwalemuwa naviteli . . .

. . . enu muneche milimo kaha yenu ivene, nge omu Kalunga alingile kufuma ku Yenya, ha likumbi lya muchitanu nakavali.

Yove yinahase kupwa yamyaka seti, myaka fwote, myaka fifite, kalamwosena yili. Enu muneche milimo yenu, nge Kalunga omu alingile kufuma ku Yenya, Hayamyaka na myaka. Enu kamwayizanga cheka kayeko. Kaye kanapu kakufwa muli enu.

193 Jino, vasi 11 jino, hakamwihi.

Shikaho tusololenu unyongochima mangana twingile mukunoka kana, (keshi echi umwe, keshi echi umwe, oloze Echi umwe), kuchina nakupwa muthu mwakalimbuka nakulondezeza muze mwayile kulikanga chavo.

194 Chuma muka echi? Eyi Panda ya mulangi wa Kakahya ili hano. Uze Kangelo ka Yehova ali nayetu. Ikiye ali nakulinga vyuma vyovimwe vize Ikiye ahanjikile Ikiye mwaya nakulinga. Kaha vathu veji kulimbuka nakujinguluka,

kuhanjika, “Mamalelo, chamwaza, Ngwashinganyeka Echi chili chosena chakwoloka. Echi chinapu chamwaza. Mamalelo, Ngwashinganyeka Echi chili kanawa.” Pwenu vakuvanguluka nge enu kamwatela kuholokela mumuheto woumwe wakuzeneka kufwelela. Enu namuchimbata Echi na michima yenu yosena.

195 Tala.

Mwomwo lizu lya Kalunga (keshi kunangula cha liuka), eli *lizu lya Kalunga lyapwa* lyawashiwashi, chikuma lyeji kuzatanga, . . . *kuvambuka kuhambakana jipoko jamikwale jauvela kuvali*, (ivwulilenu), kutuvasananga na . . . *kuhandununa na mwono, na ize shipilitu, . . . namanungililo na usongosongo, na . . .* (ivwulilenu), *kaheji kumonangomu vyaya vishinganyeka na kulihala chamuchima.*

Chuma muka chize? Uze Shipilitu Wajila mwakeza na kuhanjika, “Ove walinganga *chuma-chuma* chimwe. Kaha ove walingile *echi* na kulinga *chize*. Ove uli *na* musongo wangachize, kaha *chize*. Kachi ove naulingisa *echi* kupwa chakwoloka, ove muya nakulinga *chize*.” Talenu? Mukakutumbununa vishinganyeka.

196 Kaha vathu ngwavo, “Chuma muka echi? Mwomwoika, chili kutahisa. Mwomwoika, chili . . . Ikiye mukavisava.” Talenu omu Ngwatwale? Echi chili chachipi, kaye kamwaka kaujila nakahona kutachikiza Kalunga ko.

197 “Lya washi washi, kutumbununa vishinganyeka, kuhambakana ngolo poko jauvela kuvali, kaha mukakutumbununa vishinganyeka na kulihala chamukachi ka muchima.”

Jino, chumamuka chize chatachikiza kulihala cha muchima? Kalunga. Ove ngwove, “Chamwaza, eyi Mbimbiliya ngwayo, ‘Eli Lizu lya Kalunga.’” Eli Lizu lya Kalunga linapu Kalunga.

Kukuputuka kwapwilenga Lizu, . . . kaha Lizu lyapwilenga na Kalunga hamwe, kaha Lizu lyapwilenga Kalunga.

Jino Lizu lyalumukile kupwa wamujimba wanyama, nakutwama mukachi ketu, . . .

198 Kalunga eji kutumbununa vishinganyeka. Apalahama apwile natalisako nyima, kaha—kaha shikaho mukiko alingile Kalunga kupwa nyima Yenji natalisa kumbalaka. Kaha Sala asehele. Kaha Kalunga alumukile nakujinguluka, ambile ngwenyi, “Chuma muka chamulingishile Sala kuseha?” Uze Mukakutumbununa vishinganyeka vya muchima! Ngwatondo echi kwingila echi chindende.

199 Jino omwo uze muyachi wa mulimo kukatuka, nge Kalunga ashikile mu likumbi lya makumishilo, nachikasoloka ngachilihi? “Kutahisa.”

200 Vakiko kavavulukile Mwata, Lyavene kupwa, “Mbelezembule”? Ikiye ambile ngwenyi, “Kachi vakiko vamuvulukile kupwa Mukulwane wa zuvo ‘Mbalezembule,’ ngachilihi navaya vakiko nakuvuluka tumbaji Twenyi?”

201 Ngwamizanga. Echi nachiya nakusolwesa nge enu muli nakuchifwila chikupu, enu kamwatela kwiza kuzuvo ya kafukufuku nakwivwa Mujimbu wamwaza. Enu munevu zala chikupu hakwiza kuchihela kana. Kalunga keshi kuhasa kwitavila kutunga chumachimwe oloze echi. Etu twamuzanga muli eyi jila. Chindende kaha nge wevwu waundende wamwaka, oloze eyi ikiko jila etu twazanga echi. Kalunga keshi kutwama muupahuko. Kalunga atwama mukulikehesa. Etu twazanga echi. Etu twawahilila kwiza, kaha enu muli, nawa, kutwama mu—ha chihela nge ngana. Chipwethuhu kunazumu ngachilihi, numbathuhu namutukuchila ngachilihi mujisuti jenu jajihya, kuvwala chenu chachihya, chize kacheshi kuneha chihandwa.

Enu muli na kwivwulila ku Kuyoya cha Hayamyaka, ku Lizu lya Kalunga lize lyatachikiza vishinganyeka vya muchima. Eyi Panda ya mulangi wa Kakahya ize kusukama haze hali vana va Isalele, kwimana hano ufukuuno. Ngunahase kumilwekesa echi: kakweshi muthu nahase kwimana hano mwishi ya ngolo ja Shipilitu Wajila chakuzeneka Kalunga kumufwiza hazevene na kumulweka ikiye chumauka ikiye apwilenga. Echi chakwoloka. Yenu haze.

202 Chuma muka Echi? Chuma muka Echi? Eyi yinapu Shipilitu yoyimwe kutetekela Vana va Isalele kukunoka chavo, kaha vakiko kuholoka mwomwo ya kuzeneka kufwelela. Ove kaweshi kuholokako. Eli likiko lihanya lya makumishilo. Tata, Mwana, na Shipilitu Wajila, Kuyoya kwiza kuhichila muze.

203 Kuvulukila kwoloka, Martin Luther, kupwa hanga chifwanyisa cha kulifukula. Kujilikiwa...Martin Luther; John Wesley; kupwa lujimiko lwa Shipilitu Wajila, Kuyoya. Kuvulukila kwoloka, vali nakufwelela; kujilikiwa, chili kutomesa; Shipilitu Wajila, ali nakuzalisa, Kuyoya. Keshi kuhita mu chisemunuino cha Luteleni; vakiko vapwilenga na Echi muchifwanyisa. Keshi kuhichila mu chisemunuino cha Wesley; vakiko vapwilenga Nacho muchifwanyisa. Oloze chino chikiko chisemunuino omwo Shipilitu Wajila mwakeza, Ivene.

204 Kaha kachi ove kawatambwile Echi ko, kaha ove nauhasa kufwelela vikomwesa? Chize chinatondeka Kalunga, muli ove, kufwelela. Ove weji kuzata nge Kalunga. Munatachikiza nge Kalunga. Ove unashinganyeka nge Kalunga. Eyi Mbimbiliya ngwayo ove unapu wamundende, “tulunga.” Yesu ambile ngwenyi shikaho. Mwomwo, ove unapu chihanda cha Kalunga.

Chochimwe na Yami ngu Branham, kaha ove uli wamundende mwosena omwo uli, kaha mwomwo ya visemi

jove jili lize lijina. Chize chisemwa echi ulimo chili mwomwo ya visemi jove, mwomwo ove wasemukile kufuma kuli vakiko.

Kaha mulonga enu mwafwelela Kalunga, na kufwelela vikomwesa, kaha vinjikizo na vikomwesa, mwomwo enu munapu vana vamaalunga na vamaapwevo va Kalunga. Ove tambula Kuyoya. Kuyoya nachiza mu chitatu. Chosena chakwoloka.

²⁰⁵ Omwo Yesu ayile kupili, kwosena Ikiye ayile, Ikiye ambachile Petulu, Yakova, kaha Yowano, vinjiho vatatu. Seli ikiko nambala ya Kuyoya. Limbate? Zangi, kuwahilila, kuunda.

²⁰⁶ Jino, echa tuyenu washiwashi jino kumaputukilo a kapetulu, washii washii, shimbu natutanga.

Mwomwo mazu a Kalunga ayoya, eji kuzatanga... kuhambakana jipoko jamikwale jauvela kuvali... kaha kutumbununa numbathuhu kulihala cha muchima.

Chipwe kuli kala tengeso ize yinasoloka mumeso eyi: oloze vyuma vyosena vinapu... vyauselesele, vili hatoma kumeso ayoy natukalumbunwina vyetu.

²⁰⁷ Ndumbu walunga, kakweshi numba kuya nakumunyika ko muze ko, chakuzeneka Ikiye kutachikiza echi. “Vyuma vyosena vanasokoloka.” Ndumbu walunga, Ikiye atachikiza vyuma vyosena vize walingile, kala chishinganyeka washinganyekele. Omu mukiko Ikiye ali. Etu twafwelela Ikiye nge ngachize.

Kaha omwo Kalunga mwakeza nakwingila muli etu, kaha nakutuhaka mu Liuka, Ikiye eji kuhaka mawana na vyuma mu Liuka, kuzata Venyi vya mumujimba. Kachi Kalunga napu uze wakuzeneka maputukilo na makumishilo a Kalunga, kahajino Ikiye eji kukanga vakakuviza. Ikiye nahase kusangula vafu. Ikiye nahase kutomesa vakambumba, kulingisa kapuputa kumona. Ikiye nahase kuhana vimweno. Ikiye nahase kulinga vyuma vyosena, kuzata kuhichila mu Liuka Lyenyi, mwomwo ali Kalunga muli enu. Kuli Liuka.

²⁰⁸ Nyi liuka nalikeza nakupwa Ngachilihi, na kulinunga Echi? Nduma, mwane. Ha kulimeneka mumavoko? Nduma, mwane. Ha lujimiko lwa meya? Nduma, mwane. Ha kuwahilila? Nduma, mwane. Nauya ngachilihi nakupwa Nechi? “Mwomwo ha Shipilitu yimwe etu vosena vanatujimika mu Mujimba umwe.” Ove uze.

²⁰⁹ Loma 8:1.

Shikaho kupaya chauchiko jino... .

“Kakweshi kupaya cha kaye.” Vakiko kaveshi kuhasa kukuhana mulonga wakuhona chuma.

Shikaho... .kupaya chauchiko jino kuli ava vali muli Kulishitu Yesu, vase kavatambuka mwaya chisemwako, oloze mwaya Shipilitu.

210 Yenu haze. Omu mukiko mwakusopesa Ukulishitu wove. Omu mukiko mwakutachikiza nge unengila mu Kunoka, kaye kakazakamako chekako. Punduvene. Enu mwamono echi, kutambuka nakufuma kuli echi. Enu mukwechi chumachimwe mwatela kushinganyeka. Yenu haze vene, “Kupaya chauchiko.” Omu mukiko etu tweji kwingilanga mu Mujimba.

211 Kaha ove uli wakukingiwa, “Hayamyaka.” Eyi Mbimbiliya yahanjika ngocho. Tala hano mu Hepelewu, kapetulu 10. Ikiye ngwenyi:

Mwomwo kuze kuli mawana avikuji na mulambu,
kwanuka wapwile wa shili hamwaka hamwaka.

Oloze ou lunga, . . . kuhichila mu mulambu umwe . . .

Kukisula chipwenga Lijina Lyenyi lya kujila!

*Mwomwo ha umwe mulambu ikiye na kukupwisa
hayamyaka . . .*

212 Haleluya! Keshi ha kuhizumuka chashishileho, oloze *hayamyaka*. “Vyuma vyakumwaka vinahichi; kaha vyuma vyosena vyatela kwiza nakupwa chachihya.” Etu tuli nakutambuka mu Kumunyika, Kumunyika chamwaza. Vaze tujila kwimba mwakulimbalka.

213 Kutwama hano, kutala hali ou muka kunwa wala, pamo mu myaka faifi kunyima, Ngwashingtonyeka. Rosella, kafukufuku, kutambuka hamavu mujila ya Chicago, kunwa, kuchongonona, kutambuka mukala shili ize yapwileko, kupenda na yumavyosena ize ikiye ahashile. Kaha ufuku umwe, ou Shipilitu Wajila, uze ali washi kaha ngolo kuhambakana poku yauvela kuvali, ngwenyi, “Pwevo, ove uli kunwa wala.” Haleluya! Kachi nge Kalunga youmwe uze apwile kunyima kuze, uze atachikijile Sala asehele kunyima Yenye, Ngunahono kutachikiza chuma muka Ikiye ali.

214 Muze mulikungumbuwa kuli wamundende wapwevo ikiye ayile nakupwa, kaha kumuneha nakwingila, ambile ngwenyi, “Ove vakutetekela kuvitumbo.” Omu Ikiye eji kutumbununga vishinaganyeka vya mumuchima!

215 Kaha umwe wamunene vakakuzata vakakutangisa vanatwame haze, uze apwile navakakwambulula kukaye kwosena, na mavoko avo akuvunga kunyima, Muchikovela chachihi mavoko, kushinganyeka nge katwavejivileko, nge vakiko vanahase kutwama mwishi ya kuliwana nge ngachize kaha Kalunga keshi kusolola hiya vakiko vapwile. Kutwama kuze, kutala chakuhandunuka, nge vakiko vapwile muthuumwe. Uze Shipilitu Wajila atachikijile hiya vakiko vapwile. Kaha vakiko vatwamine kuze, mumichima yavo, Vachishinganyekele kupwa kutahisa. Kavatachikiza Kalunga kavoko kuhambakana ka Hottentot mahase kutachikiza ufuku wamu Ejipitu. Echi chakwoloka. Vakiko vanatachikiza Echi hamukanda, oloze

keshi ha Shipilitu ko. “Eji jisona jechi kujiha, oloze Shipilitu eji kuhana Kuyoya.” Mukiko kaha. Echi chikiko chishinganyeka. “Washi, ngolo josena kuhambakana poku yauvela kuvali, Kutumbununa vishinganyeka vya muchima.”

216 Ivwililenu. Tala.

Kaha kakweshi chuma chakutenga chimwe chakuzeneka kulumbunuka kumeso eyiko: oloze vyuma vyosena vinapu vya uselesele kaha hatoma kumeso a you. . . natukalumbunuina vyetu.

Jino etu hakupwa na kapilishitu wakulitulaho wamulemu. . . (Ivwulila jino; kuli vakakuviza.) . . . ou nawa napulasana lyehi mumelu, ivene Yesu Mwana Kalunga, shikaho tulinjililenunga kwitava chetu.

217 “Kwachilila chikuma,” echi kacheshi nakutwala kupwa nakwambululako. Kachi kaweshi kuyoya cha chiyoyelo, enu kamwatela kuchikwachilila chikuma; ove uli na kuyoyela chaufwaliseu. Ove uli. . . Ove watela kupwa kanawa kaha hanjika ove wapwa mukashili kaha vulyamenuko echi. Kanda kulivuluka kupwa Mukakulishituko, kuyoya chumachimwe nawa; ove unapu umwe chimbunji chachinene chize kaye kanda lyehi vapwenga. Kachi ove umuka shili, itavila kaha, yako lika, yako lika na Kalunga. Kachi ove uli Mukakulishitu, kukwachilila kukulitavila, kutwama haze.

218 Tala echi jino. Ngwatondo kumbata echi shimbu kanda etu kuseza.

Mwomwo etu katweshi na kapilishitu wakulitulaho uze wakupona kwivwila nayetu hamwe mukuhehela chetuko; oloze vamwesekele mwosena mwakufwana. . . nge etu, oloze kapwile nashiliko.

Ivwililenu.

Shikaho tupandamenunga nakumika kulitanda lya wangana lyalikoji, mangana etu pamo tumone kututetela, kaha tuwane likoji na lyakukafwako omu natuhona.

Kukisula chipwenga ku Lijina lya Kalunga!

219 Ivwililenu, Mbatutishiti, Pulishitiliyani, Luteleni. Ove nauya nakunguhula yami echi chihula, “Apalahama amufwelelele Kalunga, kaha vamuvulukilile cho kupwa chakwoloka.” Ngunatachikiza. Omu mukiko enu lwola lwosena mweji kuyanga. Ou unapu muchano. “Ngachilili muthu nahase kulinga shina kufwelela Kalunga?” Echi chili vene chakwoloka. Omu mukiko ikiye nahase kulinga. Oloze omwo Kalunga atachikijile nge muka lufwelelo, Ikiye eji kukuhana ove Shipilitu Wajila.

220 “Jino chuma muka Nangulinga, Ndumbu walunga Branham? Kumana Ngweji kutambakananga?” Keshi chakutamoko.

“Linga Nanguhanjika na malimi?” Keshi chakutamoko. Enu munahase kutambakana na kuhanjika mumalimi, vosena, kaha hanga nakuyoya nge—nge makombelo, kaha hanga na lwiso hali mapwevo. Ove unahase kunwa makanya na kunwa, kaha vyuma vyosena. Ngweji kumona vathu kuhanjika malimi, kaha kulovoka nakuya nakukoka majilo amwe, Ngwamona kuzata chimwe chamaselembe. Ngweji kuvamona vakiko kutambakana, kaha kulila masoji angandu, kaha vanahase kwiva kalachuma ocho ove uli nacho. Ngwamwene vakiko kutambuka nakuya, kaha kala kanyike wapwevo mwaya mujila, kwalumuka. Huu-hu. Echi chinapu chinjikizo chamwaza ove kaweshi Nachoko. Echi chakwoloka.

221 Oloze, ndumbu walunga, omwo ove wahichile mukufwa nakwingila mu Kuyoya, vyosena vize vyuma vyatela kwiza nakupwa kufwa, kaha enu munapu tengeso yayihya muli Kulishitu Yesu. Kachi enu namumona chumachimwe chakuhenga, enu muyenga nakulomba hali echi, “Kalunga atutetele.” Kaha kachi enu namumona maukalu, kachi kuya na kuhanjejeka, na kweseka kuchilinga mweka, enu namuya nakweseka kulingisa muthu na kulyolola, kaha kulunguluka. Ou ikiye Shipilitu ya Kalunga muli enu.

222 Kachi ove muluwanganyisa? Ove unapu jino hakuhanjikila kuli vakiko. Kachi ove muluwanganyisa, ove mucholola washiwashi. “Kanda ukecha likumbi kulauka nandombo yoveko.” Omu mukiko ove unatachikiza mwakuhichila kufuma mukufwa nakwingila mu Kuyoya, ove ukwechi zangi, kuunda, kuwahilila, kuvandamina chikoki, kuwaha, kalemesa, kukakachila. Etu tukwechi Kapilishitu Wakulitulaho natwame Mwilu, wakulizanga kutwimanyinako hakuhanjika chetu. Chuma muka echi? Echi chili omwo Yesu akindulukile ku Longosi, ize Panda ya Kakahya ize ya twaminyinenga vana va Isalele, natwame kumeso atuselwoke vavanene, Kumunyika cha kongolo chize cheji kulovokanga, awa mashipilitu atatu akukupuka, Shipilitu wakukupuka wa zangi.

223 Jino tala. Chuma chatete shina zangi ya *kukupuka*, ikiko zangi ya Kalunga, yitoma kaha yakuzeneka kufutula. Yakushisaho, nakwiza, zangi *yauthu*, ikiko zangi ulinayo hali pwevo lyove na vana vove. Yakushisaho, mamata hanyima yachize, zangi *yalwiso*. Yakushisaho zangi *yakuzeneka kumukomoka* kalunga. Kaha nakutwalilaho lika nakushikumuka palanga nayipwa *majilo*, kutwalilaho lika nakuchongonona, nakuchongonoka.

224 Kaha vyuma vyosena vize vyatela kupwa maputukilo, makumishilo. Kaha vyosena vize navikafumako, kaha kakweshi kukanukako, numba mumwe, kaha kukinduluka kukupuka, likumbi limwe. Kaha jila kaha . . . Ove kaweshi kuhasa kwimana haze, chimbwa cha mujila, kaha kulovoka nakuya *hano*. Ove

watela kupwa wakwingila, kufwelela, kunokela mwosena mu ulwilo uze Yesu Kulishitu atuhana, ha lufwelelo.

²²⁵ Kuli Shipilitu ya muchano yeji kwizanga kufuma kuli Kalunga. Uze ikiye kaselwoke, kaselwoke wa Kalunga. Mukushishika. Wakushisaho muthu mwaya nakulinga “vilinga vyamwaza” kulingila alihata nenyi. Wakushisaho mukweze, “enu watela kutala hali ikiye.” Wakushisaho mukweze, “mwiji.” Wakushisaho mukweze, “napu mukujiha,” vandamina. Talenu omu cheji kuchongonokanga, haze vene? Oloze vyuma vyosena veji kuhanjikanga vya mwenemwene.

²²⁶ Omu mukiko Ngwahanjikanga. Lwola lwosena enu namumona muthu uze. . . Enu mwamono lizavu lyalindende kutambuka nakushikumuka mujila, wahamuchima, pamo vakiko vali eyite myaka yakusemuka. Cheji kuhanjikanga kaha Mwilu muze muli lizavu lya vakweze vaze vamwimanyinyineko, muze Mwilu. “Kachi eyi mbalaka yamavu nayingunuka, etu twapwilenga na Kuze.”

²²⁷ Kachi enu namumona muthu ali nakwonga, kwiva, kwambulula makuli, anukenu kaha, chihanda chenye chinamuvandamina muhetese, cha ikiye, chihela chenye muze ikiye mwakaya nakumuyanjisa Kumeso a Kalunga na Vangelo jenyi vajila, nakakahya na sulufulu. Ikiye mwakaya nakupwa wakuyanjiwisa kuze. Keshi hayamyakako, ikiye kaveshi kukamuyanjiwisa hayamyakako, hayamyaka kachalumbunukile nge kunahuko, oloze hajitando. Hayamyaka ali hayamyaka na myaka, Hayamyaka. . . kamweshi na maputukiloko mokomoko makumishilo. Oloze *hayamyaka* ali “tando ya lwola.” Eyi Mbimbiliya yahanjika, “Hayamyaka kaha,” makanyiko, “hayamyaka.” Yona ambile ngwenyi ikiye apwilenga mujimo lya ishi “hayamyaka.” Lunapu tando ya lwola.

²²⁸ Oloze, tala, kuli kaha Kuyoya chimwe Chahaya myaka yosena, kaha ou ikiye Kalunga. Kaha kachi ove muya nakupwa wakuyanjisa haya myaka na myaka, kaha kaweshi kuhasa kufwa, ove ukwechi Kuyoya cha Hayamyaka. Ove kaweshi kumuyanjisako haya myaka na myaka. . . Ove unahase kumuyanjisa kupwa na myaka handulendi miliyone ya myaka, Kumeso a Kalunga na Vangelo vajila, na kakahya na sulufulu. Ngunahono kutachikiza lwola lwatando yingahi. Oloze makumishilo chatela kwiza kumakumishilo mwomwo chaputukile. Kaha Kalunga ukawenyi ali na Kuyoya cha Hayamyaka. “Wosena mwevwa Mazu Ami, na kufwelela hali Uze Angutumine,” keshi na kuyoya cha hayamyaka ko, “ikiye ali na Kuyoya cha Hayamyaka namyaka.” Chize Kuyoya chize chaputukile, keshi chumachekako *hano*. Oloze jila yosena yakuya Kuze, Kuyoya cha Hayamyaka, *Zoe*, Kuyoya cha Kalunga Ivene kwiza nakutwama muli muthu, kaha ikiye napu Hayamyaka na Kalunga, kaha keshi kuhasa kufwako. Omu mukiko Lizu linahanjika.

229 Shinganyeka echi. Kuliko Kuyoya cha Hayamyaka chivali? Ove kaweshi kuhasa kukumbulula chizeko, unahase kulinga ngocho? Kuli Kuyoya chimwe cha Hayamyaka, kaha chize chinapu Kuyoya cha Kalunga. Chize kuyoya chikwavo, chipwethuhu chipwenga ngachilihi, chikwechi makumishilo. Kaha kalachuma chikwechi maputukilo chikwechi makumishilo. Oloze kalachuma chize kacheshi na maputukiloko. Kaha Kalunga ambile ngwenyi Ikiye mwaya nakutuhana Kuyoya cha Hayamyaka, chakuzeneka kuputuka, etu vanatulingisa chihanda cha Ikiye. Kaha vene Chiyoyelo chize chili muli etu, kavachinehele hano ha chisemwa chamuthuko. Chisemwa cheji kutuhana shipilitu, oloze eyi shipilitu yeji kufwanga, kaha etu tukwechi Shipilitu ya Kalunga. Upahu kuli Kalunga!

230 Apwile Kalunga muthu? Punduvene. “Echa Etu tutunge muchifwanyisa Chetu Ivene.” Chuma muka apwile Kalunga? mujimba washipilitu, mujimba. Kaha kuze kuli muthu wakutenga ngachize kaha kumuhaka mumilemba. Oloze kakwapwile namuthu apwilenga nakulimako, muvishinganyeka. Kahajino Ikiye atengele muthu kufuma mulukungu mumavu, muchiyoyelo cha kanyama, kaha uze muthu aliminenga. Kaha uze muthu aholokele, hakuzombojoka jishimbi. Mukwoloka. Kaha Kalunga, uze Mujimba waushipilitu, wejile kaha vaulingishile kupwa wachisemwa chahamavu na kutwama mukachi ketu, nakusokola muthu.

231 Shikaho echi kacheshi chumako enu munahase kulinga. Enu munapu vakashili, mukuputuka. Enu vamitunga muchifwanyisa cha upapwoke. Enu mwasemuka mushili, kwiza kukaye nakuhanjika makuli. Enu mwasemukile muno mukaye hakufwila chausunda wa tata na mama. Kaha enu munapu kaha vakukashiwa kuhetese nge omu munahashila kupwa, Kangwalizakaminako chumamuka ove weji kulinganga. Enu munahase kuhona kwonga, kwiva; kulama jishimbi josena, na vyuma vyosena nawa; kaha ove mukaya kuhetese, nge tumbi muwina wenyi. Oloze jila kaha ove nauhasa kuyoya cheka, shina kwitavila Shipilitu Wajila, Kuyoya cha Kalunga cha Hayamyaka namyaka.

232 Chumamuka chakutengele upwenga nge omu uli? Mukuputuka, omwo Shipilitu Wajila autaminyine hano hamavu, kakwapwile nachumako oloze kututuka kaha chamavu. Temo ya Paseka kwiza. Kalunga ambile ngwenyi, “Echi chinasoloka kupwa chamwaza. Twalilaho kukumbila.” Jitemo jalovokele. Mwila walovokele. Mitondo yalovokele. Tujila vatukile kufuma mulukungu. Tunyama valovokele. Na muthu alovokele.

233 Jino, echi chilingikile ngachilihi? Ha kukumbila cha Shipilitu Wajila, kuneha evi vyuma hamwe, uto, wavifuwa; kulingisa jitemo, kulingisa kanyama, kutunga na ove.

²³⁴ Kaha jino, ove uli na kusakula chakukasunuka. Kalunga akumbile kunyima kuli ove, nakuhanjika, “Iwva Lizu Lyami? Kanda kukaluwisa muchima yenuko, ngemuze mumakumbi akusowangizako.” Hano Ikiye ejile nakushikumuka, nakunangula cha eli Lizu.

“Ou Mujimbu vambulwile kawapwile...kawapwile na lufwelelo mu Ukikoko, shikaho Kawavalingishile vakiko kuneha kuwahako.” Vakiko vevwile Chize, oloze vakiko kavafwelele Echiko.

²³⁵ Kalunga ejile nakusuluka. Ikiye avalwezele vakiko Panda ya mulangi wa Kakahya. Kusolola kuli kapolofweto Kenyi, vinjikizo na vikomwesa, Ikiye apwilenga na ikiye. Vakiko kavafwelele Echiko. Mamalelo, vakiko vatondele kumona vikomwesa. Vakiko vatondele kwivwa kapolofweto. Oloze nge kuufwelela Ukiko, kavaufweleleleko. Viyoyelo vyavo vyejikijile nge kavavifweleleleko.

²³⁶ “Jino,” Ikiye ngwenyi, “kanda kuholokela chizeko chakutalilaho cha kuzeneka kufwelela.” Mwomwo mu likumbi lya makamishilo, ku liuka lya Vakamafuchi eka na eka, Kalunga nalisolola cheka; chinjikizo chochimwe, chikomwesa chochimwe, Panda ya mulangi wa Kakahya, kwinjikiza, kwinjikijiwa. Echa tuhonese michima yetu na kuholokela muli chize cheseko, cha kuzeneka kufwelela, mwomwo etu natuya nakupola hano hamavu kaha echi nachiya nakupwa chosena.

²³⁷ Kaha nge Shipilitu Wajila mwangongomweza mumuchima wove, [Ndumbu walunga Branham kungongomweza hakamenga—Muka.] “Hanyima chikuma lwola lwalusuku, omwo enu namwivwa Lizu Lyami, kanda mukaluwisa michima yenuko.” kuhanjika, “Mwana Nami, ou unapu Muchano.” Kanda kutala ha muluwa ko. Ivwulilenu ku Mujimbu. Kufwelela Echi. “Kanda kukaluwisa muchima yenuko, ngemuze mumakumbi akusowangizako.”

²³⁸ Nge mwevwa Lizu Lyove, “Kanda kukaluwisa muchima yenuko.” Kahajino ove ngwove, “Eyo, Mwata, Ngwafwelela.” Kahajino ove ingila mu Kuyoya, ou Shipilitu Wajila kwiza nakwingila muli ove. Shipilitu yove yamwaka kufwa, chikiko nachikulingisa lwiso nachinjindo, kaha lisungu na kole, na—na chinjindo na vyuma vyosena, kufwa nakuya. Kaha ove mwiza nakupwa wakuzala na zangi, kuwahilila, kuunda, kunoka. Chipwethuhu jipeho kuhuhwa ngachilihi, echi chosena chakwoloka.

Chikungo chami chakwata mukachi ka lihina;
Chipwe nyamanganda nayihuhwa,
Chikungo chami chakwata mukachi ka lihina.

Mwomwo hali Kulishitu, Lilolwa lya kukola,
 Ngunemana;
 Chihela chikwavo chili usekulula
 wakushikumuka.

²³⁹ Yenu haze vene. Eddie Perronet, omu ikiye asonekele ou mwaso wapuho. Hamavu heka, vikungulwilo vyosena, jishimbi jauthu josena, kunangujola josena, kufuvalala. Kulishitu!

Enu ngwenu, “Chamwaza, Ngunatachikiza Mbimbiliya.” Enu kamweshi na Kuyoya ha kutachikiza eyi Mbimbiliya.

“Ngunatachikiza katekizimu yami.” Ove kaweshi na Kuyoya ko ha kutachikiza katekizmu yoveko.

“Chamwaza, Yami ngumuka Kulishitu.” Ove kaweshi na Kuyoyako ha kuhanjika kupwa Mukakulishitu.

²⁴⁰ Ove uli na Kuyoya ha kutachikiza Ikiye. Kutachikiza Ikiye, ove uli na Kuyoya. “Kahajino ove ingila mu Kunoka Chenyi. Ove kaha nawecha milimo yove, nge muze Kalunga alingile ku Yenyi.” Ove vakutunga kupwa mwana Kalunga, wakutambula hamwe na Kalunga. Kaha kachi chize—kachi chize chinapu kuhuhwa cha Shipilitu Wajila kuli enu, kaha ove mukindulwisa chize kuhuhwa na kuhanjika, “Eyo, Mwata,” mokomoko kuhuhwa.

²⁴¹ Kuhuhwa, “Twaya kuli Yami, enu vosena muli nakukilikita kaha munalemuwa. Nanguya nakumihana Kunoka.”

²⁴² Kaha enu ngwenu, “Ha, Yami ngu mukweze. Ngukwechi . . . Mamalelo, kafunga kami katela . . . Vyosena Ngwatela kulinga . . .” Talenu? Enu kamweshi kahasa kuwana Echiko.

²⁴³ Oloze nge nawamba ngwove, “Eyo, Mwata wami. Ngunevu Lizu Lyove. Kangweshi kukaluwisa muchima wamiko. Kangwalizakaminako, Mwata, Eli linapu Lizu lyove kaha Ngwafwelela Ove. Ngumbate, Yesu, ‘Nge omu Nguli, chakuzeneka chumachimwe, oloze nge Manyinga Ove amwangalile hali yami. Kaha Nanguya kukushika, “Nanguya nakufwelela.” Ove Mukoko wa Kalunga, Nguneza.” Haka mavoko ove ha mutwe Wenyi wakufwa, hanjika, “Mwata, Ngumuka shili, kaha Ove wangusanyikile.”

²⁴⁴ “Vosena Tata nanguhane Yami navaya nakwiza kuli Yami, kaha Nanguya nakumusangula kumakumbi akumakumishilo.”

²⁴⁵ “Eyo, Mwata, Nguneza. Kanda kukaluwisa muchima wamiko, nge omu vakiko valingile mukusowangiza, Ngwafwelela mwamuchano.”

²⁴⁶ Kahajino Ikiye alingile ika? Ikiye eji kukuhana Kuyoya Chenyi, Zoe, Kuyoya cha Hayamyaka. Kaha kachi Kalunga mwahasa kutusangula mulukungu lwa mavu, kuze etu twafumine . . . Kumana twafumine mulukungu? Vyuma vyosena ove uli nakumona, vyafuma mulukungu. Kaha kachi Kalunga mwahasa kungulisa yami omu Nguli lelo, chakuzeneka kupwa

na kusakula; kupwa kaha mwomwo Kufwila Chenyi chapwile kungulingisa yami, kaha kunguhana lisesa lya kulimona na Kavali na kungulingisa kusakula; kaha Ngwasakula kusakula chami na kufwelela hali Ikiye; nachihambakana chikuma Ikiye kungusangula! Kachi Ikiye angutengele omu Nguli, chakuzeneka kusakula, kahajino Ngwamumbachile na Ikiye nakwingila; omwo Ikiye ahakile mavoko Eyi hali Lyavene, na kulishinga hali Lyavene, nge Ikiye mwaya nakungusangula halikumbi lya makumishilo. Nanguya nakunokela nakukunyuka.

247 Ngukwechi Kunoka, keshi mwomwo Ngwalifukile ha Chalumingo, keshi mwomwo Ngweji kulifukula ha sambata. Chize kacheshi nachuma chimweko. Ngwalifukile mwomwo Ngwengilile mukuunda na Kunoka: kuunda, zangi, kuwahilila. Echa makimba kutuka; chikungo chami mwakwata.

248 Enu mukwechi kutachikiza, ufukuuno, sepa lyami ove unatwame haze muno mumbalaka yizuma? Enu kamwatela kwiza nakungwivwulila yamiko. Nduma. Enu twayenu nakwivwa Lizu. Ivwulilenu, sepa lyami.

249 Jino kachi enu kamweshi na Kunoka, enu munahase kuwana Echi hano vene. Enu kamwatela kwiza kuno kukamengako. Twama vene okwo uli. Pwako wakushishika, na kuhanjika, “Kulishitu, hanjika kaha mumuchima wami. Ngunatachikiza kunazumu. Nguli—Nguli kaha wachilambu, wakutukuchila. Ngunazeye. Oloze, Mwata, muchano vene, Ngunahase kutukuchila na kukola, kuhambakana echi, shimbu kanda chimene chino.”

Kaha ndotolo anyikasanga mutwe wenyi, kuhanjika, “Uli musongo wamuchima. Ikiye nanyi.” Kahajino ika?

250 Ika jino? Omwo uze Mukanda wamunene wakusokoloka, ika jino? Enu mwevwa lyehi uze mwaso, *Chuma muka Kahajino?* “Omwo vaze vakanyine Mujimbu, navakaya nakuvahula mulonga, ika jino?” Chumamuka jino? Shinganyeka echi jino, chikumakuma.

251 Shimbu etu twanongama mitwe yetu, kushinganyeka hali echi.

Omwo umwe uze kukana ou Mujimbu ufuku uno,
Navakaya nakukuhula kuhana mulonga—
Chumamuka?

Chumamuka? Chumamuka?

Omwo Mukanda waunene navakausokolola,
chuma muka?

Omwo vaze vanakane ou Mujimbu ufuku uno,
Ove navakaya nakukuhula mulonga uka—
Chumamuka?

252 Tata wa Mwilu, echi chinapu chosena mumavoko Ove jino. Hano hakiko hali Sambata ya keke hali vathu. Hano hali Kangelo ka Kalunga, mумыaka yayindende, nahichi mukaye. Kutoleka na vyumavimwe nawa na, kweseka Kuchipaisa. Oloze, lwola lwosena, Ove wenjikulinjikiza Ovelyavene kupwa Kalunga.

253 Kaye kasayasi, liuka lya kaye; vakiko vali tupuputa, Mwata? Pamo muliko umwe ufukuuno mwasaka kutambula kumona chenyi, kutambuka nakuya, kaha keshi kweseka Kalungako, nge muze mumakumbi akumusowangiza; keshi kumweseka Ikiye ko, hakupwa wamwaza ha Chalumingo, mokomoko kulama likumbi limwe, mokomoko ku jishimbi jimwe jauthu, mokomoko kupandama kuliuka limwe. Oloze unatondo kulovoka na kupwa nakuvatujihana, ha muchima, na kutambula Shipilitu Wajila. Kaha vakiko vanatondo Ikiye. Ha lufwelelo jino, vakiko vali nakweseka kwitavila Ikiye mukachi ka muchima wavo. Vakiko vali nakweseka kuwana likoji na Ove, Mwata.

254 Mamalelo, vakiko vanahase kuhanjika mumalimi. Vakiko vanahase kutambakana. Vakiko hanga vakwechi matoto amwaka. Vakiko hanga vakwechi lisungu lyamwaka. Vakiko hanga vahanjejeke, na kulinga vyuma vakiko kavatela kulingako. Vakiko kavatondele chizeko, Mwata. Chumamuka, omwo uze Mukanda wamunene navakausokolola, uze wahanjikile, “Echi kacheshi kwingila mu Wangana”? “Pwenu vakukupuka, nge Tata yenu Mwilu apwa wakukupuka.” Kala chuma chachihiki keshi kuhasa kwingilako. Vakiko vali kaha nakufwelela, ufukuuno, mu kusukika? Kachi keshi, Mwata, echa vakiko vachilingisa uze umwe Hayamyaka “eyo” jino.

255 Kuhanjika, “Mwata, Ngwa...Kakwechi kwivwa, oloze Nguli kaha nakwivwa Chumachimwe mukachi ka muchima wami, nge Chumachimwe chili nakungulweka, ‘Ngunahase kuchilinga hano vene, ha likoji Lyove.’ Kaha Nguli jino na kwitavila Ove kupwa Mulwilo wami. Yami—Yami kangweshi kukana vyuma vyosena vya kaye, kaha Ngwatondo kwingila mu Kunoka Chove. Kaha Ngwafwelela Nguli nakuchilinga hano vene. Ngwafwelela Shipilitu Wajila ali nakunguneha yami vene muchihela kana.”

256 Shimbu kala mutwe unanongama. Kuliko muthuumwe kwivwa mujila kana jino? Katula livoko lyove, “Ou Shipilitu Wajila ali jino nakungunehela yami muchihela muze Kangweshi kuhasa kuhamba mwekako.” Kalunga akukisule. “Kangweshi kulinga chumako. Matoto ami anayi. Ngunahase kuyoya mukuunda na kuwahilila na kuyanda chakutwalilaho, kufuma hazevene jino. Ngwafwelela Kalunga ali nakuhanjika kuli yami hano vene, nge Nanguhasa kuchilinga kufuma muli ino ola nakutwalilaho, ha likoji Lyenyi.” Munahase kuzundula mavoko enu? Kalunga amikisule. Kalunga akukisule vupu lya pwevo wakalemesa. Muthuumwe weka? “Ngwafwelela jino.”

257 Kanda kumweseka Ikiye ko, nge mulikumbi lya kumusowangiza. Kanda kushinganyeka mwomwo etu natuya kuliuka ha Chalumingo, mokomoko kulama sambata. Paulu ambile ngwenyi, “Enu mweji kulamanga makumbi mokomoko tukweji, mokomoko vyangocho, Ngunalizakamina hali enu. Luze lushimbi kupwa muvwimbimbi wa vyuma vya mwaza vyapwile nakwiza, kaha keshi chifwanyisa cha vyuma viveneko, chinahase kulingisa mukakulifukula kupwa wakukupuka.” Oloze Kulishitu mwakulingisa ove kupwa wakukupuka, kumeso a Kalunga. Ikiye mwambata nakufumisa shili jenu, nakufumisa muli enu, kumihana enu zangi Yenji na kuwahilila.

258 Munahase kwingila mu Kunoka jino? Muthuumwe weka kukatula livoko linyi, kuhanjika, “Ngunalingi echi.” Kalunga akukisule, pwevo wakalemesa, ove hano kuchimoswe chami. Kalunga akukisule walunga watwame kuchilyo chami. Kwingila mu Kunoka Chenyi, shinganyeka hali echi jino.

259 Lombenu, “Chochimwe nge Yami, Mwata, chakuzeneka kuyayavala chimwe; Kangweshi wamwazako. Kakweshi chuma Ngunahase kukuhana Ove, oloze chiyoyelo, chami chamwaka, chakulyenyeka lyehi. Ove muya Nakungwitavila? Tomesa? Eliene? Mwomwo, Ngwashikile Nanguya nakufwelela. Ove Mwana Mukoko wa Kalunga, Nguneza. Jino twaya, nakufwelela nge jino Ngunafumu mukufwa nakwingila mu Kuyoya. Mwomwo, hano vene muchitwamo chami, Ngunakumwitavila Ove kupwa Mulwilo wami kaha Nguli nakwivwa kuunda mumuchima wami.”

260 Faifi vanazundula mavoko avo. Kuliko umwe mukwavo, uze kwivwa mujila kana, katula livoko lyove? Kachi ove kaweshi Mukakulishituko, kwitavila Ikiye jino.

261 Kachi ove muhanjika kupwa Mukakulishitu kaha muhona kupwa uze muyachi kana, ove hanga unapwila mukashili, chipwethu chiyoyelo chove chika ove—ove unalingi, mokomoko nauya ngachilihi nakweseka kulilingisa ovelyavene. Chuma ove watela kulinga shina kuhona kwitavila. Echi chikiko Ikiye alingile. Kwoloka chove kaveshi kuchitavilako. Kachi ove mwecha kunwa makanya mwomwo ove wahanjikile, “Chamwaza, Ngwatela kwecha kunwa makanya mwomwo Ngweji kuhanjikanga Vakakulishitu,” Kalunga keshi kwitavila echiko. Kachi enu namwecha lwiso lwa mapwevo, mwomwo enu muli nakulilingisa enu vavane, Kalunga kanda kwitavila echiko. Echi chikiko chuma chimwe ove weji kulinganga. Eyi ikiko milimo. Eli linapu likoji lyeji kukulwila ove. Kumana Kalunga ezenga kuli enu na kambata vyuma vyosena kufuma muli enu? Echi chikiko chuma chakushisaho.

262 Enu ngwenu, “Ngunalinungu na liuka, kaha shikaho Ngwatela kwecha vyuma kana.” Kalunga Ketavilile chizeko, kakweshi chuma ove unahase kuhana chauchiko. Ikiye eji

kwitavila chauma Kulishitu ahanyine. Ikiye mwamihana
Kuyoya cha Hayamyaka, kaha nakuchimbata kufuma kuli enu.
Namuya nakutambula Echi?

. . . muze munyamanganda, mukalungalwiji,
Twaya, jikijisa mwono wove mukunoka cha
mwilu,
Kaha hanjika, “Ove wami wakuzanga uwami.”
Ngunajikijisa mwono wami . . .

Chosena chakwoloka, ove unahase kuzundula mutwe wove.
Ou mujimbu uli hano jino. Echa tulifukule jino.

Nanguka zauka kalungalwiji chekako;
Awa makanya anahaase kuhita helu lya
kunyunga, hakajinga hakukunama,
Muli Yesu Nguli wakukingiwa.

²⁶³ Wosena jino, mukulifukula.

Ngunajikijisa mwono wami muze
mwakunokela jimbopolo, (Sambata.)
Nanguya nakuzauka kalungalwiji chekako;
Awa makanya anahaase kuhita helu lya
kunyunga, hakajinga hakukunama,
Muli Yesu Nguli wakukingiwa.
Munyika hali yami . . .

Echa ulyeche ove lyavene. Fwika meso ove. Ivwa chize
kuyema cha shipilitu? Chize chikiko kulifukula. Mujimbu uli
hali chize. Echi chikiko kulifukula.

Echa Kumunyika kufuma kungenge ya
kumunyika hali yami;
Mamalelo, ngwinyikile yami, Ove Mwata,
ngunyikevese hali yami,
Mamalelo, echa Kumunyika kufuma kungenge
ya kumunyika hali yami.

²⁶⁴ Vangahi vali nakwivwa kanawa? Katula livoko lyove. Chize
kuyema, shipilitu wakulikehesa, chikiko Echi.

Kupwa nge Yesu, kupwa kaha nge Yesu,
Ha mavu Ngwafwila kupwa nge Ikiye;
Mu ungeji wa chiyoyelo kufuma hamavu
nakuya mu Upahu,
Ngwalombo kaha kupwa nge . . .

Lifukule kaha.



HEPELEU, KAPETULU WAMUCHIWANA LVE57-0901E
(Hebrews, Chapter Four)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Katundwe 1, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org